

30  
(pièce 35)

B R E F  
DE NOSTRE SAINT PERE  
LE P A P E  
INNOCENT X.

EN FAVEUR DES RECTEUR  
& Iesuites du College d'Amiens, sur l'appel  
comme de Iuge incompetent des procedures  
faites pardeuant l'Official de Monseigneur  
l'Euesque d'Amiens, contre les nommez  
*Antoine Feuquiere & Christophle le Iuge, Ie-*  
*suites*, appellans, accusez de Schisme & scan-  
dale public causé dans ledit Diocese d'Amiens;  
& d'estre fauteurs, complices & distributeurs  
du libelle diffamatoire intitulé, *Declaration*  
*des faussetez, &c.*

C

Auec les lettres de relief d'appel comme d'abus, de l'e-  
xecution dudit Bref, & de ce qui s'en est ensuiuy; En-  
semble les Lettres patentes, Edicts, Arrests, & autres  
actes.

*Pour seruir en la cause d'appel comme d'abus, interietté par*  
*Maistre Louys Pecoul, Promoteur en l'Officialité d'Amiens,*  
*& faire voir que les Iesuites ne sont establis & reestablis en*  
*France, qu'à la charge que l'Euesque Diocesain, confor-*  
*mément à leur Declaration, aura toute surintendance,*  
*iurisdiction, & correction sur la Societé: Et que les Freres*  
*d'icelle ne feront au spirituel ny au temporel aucune chose au*  
*preiudice des Euesques, ains seront tenus se conformer entie-*  
*rement à la disposition du droit commun.*

✂  
A P A R I S,  
M. D C. X L V.





INNOCENT X.  
LE P A P E  
DE NOSTRE SAINT PERE  
B R E F

EN FAVEUR DES RECTEURS  
 & Lecteurs du Collège d'Amiens, sur l'appel  
 contre de Juge incompetent des procédures  
 faites pardevant l'Officiel de Monseigneur  
 l'Evêque d'Amiens, contre les nommés  
 Antoine Renouart & Christophe le Juge, Is-  
 siers, appellans, accusés de Schisme &c. &c.  
 & de faux sermens, &c. &c. &c. &c. &c.  
 & de faux sermens, &c. &c. &c. &c. &c.  
 du libelle diffamatoire intitulé, Déclaration  
 des fautes, &c.

Avec les lettres de relief d'appel command'abus, de l'e-  
 xecution dudit Bist, & de ce qui s'en est ensuiu; En-  
 semble les Lettres patentes, Edicts, Arrêts, & autres  
 actes.



D E C R E T  
D'ADIOVRNEMENT PERSONEL,  
*contre les nommez Feuquiere & le Iuge,  
Iesuites.*

**A** Tous ceux qui ces presentes Lettres verront, *François Barboteau*, Prestre, Bachelier en Theologie, Preuost & Chanoine de l'Eglise Cathedrale, & *Official d'Amiens*, Salut. Sçauoir faisons que veu les Informations faites à la requeste du Promoteur, sur le contenu de la Requeste par luy à nous présentée, le troisieme iour de Septembre dernier, & les conclusions dudit Promoteur: Nous auons ordonné & ordonnons que les nommez *Feuquieres Recteur, & le Iuge Predicateur du College des Iesuites de cette ville d'Amiens*, seront euoquez pour respondre sur les charges contenuës es Informations faites à la requeste dudit Promoteur, sur le scandale public & schisme causé en ce Diocese par les auteurs, fauteurs, complices & distributeurs, du Libelle diffamatoire intitulé, *Declaration des faussetez contenuës dans le recit, &c.* du dixiesme iour d'Octobre mil six cens quatre-vingt-quatre. Signé, PICARD.

*Commission pour citer lesdits Feuquiere & le Iuge,  
en vertu dudit Decret.*

**F** *Rançois Barboteau*, Prestre, Bachelier en Theologie, Preuost, Chanoine de l'Eglise



Cathedrale & Official d'Amiens; A tous Prestres  
 & Appariteurs du Diocese d'Amiens, Salut :  
 Nous vous mandons qu'à la Requête du Promo-  
 teur de la Cour spirituelle d'Amiens, vous citiez  
 & donniez assignation à certain & competent  
 iour aux nommez *Feuquiere Recteur, & le Iuge*  
*Predicateur du College des Iesuites de cette ville*  
*d'Amiens*, pour respondre sur les charges conte-  
 nuës es Informations faites à la requête dudit  
 Promoteur, pour le *Scandale public & le Schisme*  
*causé en ce Diocese par les auteurs, fauteurs, com-*  
*plices & distributeurs du Libelle diffamatoire, in-*  
*titulé, Declaration des faussetez contenuës dans le*  
*recit, &c.* & en outre proceder comme de rai-  
 son. DONNE' & expedié audit Amiens le II.  
 iour d'Octobre 1644. Signé, P I C A R D.

**L**Es iour & an que dessus, en vertu de la  
 Commission cy-dessus obtenuë, & à la re-  
 quête du Promoteur de la Cour spirituelle d'A-  
 miens; le Appariteur de ladite Cour spirituelle  
 d'Amiens sousigné, certifie auoir cité & donné  
 assignation aux Peres *Feuquiere Recteur*, & le  
*Iuge Predicateur du College des Iesuites de cette*  
*ville d'Amiens*, à comparoir demain dix heures  
 du matin heure de plaids, pardeuant Monsieur  
 l'Official d'Amiens, en l'Auditoire de l'Officiali-  
 té, pour respondre sur le contenu de ladite Com-  
 mission, & proceder en outre comme de raison;  
 Ausquels Peres *Feuquiere Recteur*, & le Iuge



Predicateur, i'ay baillé & delaiissé coppie de ladite Commission & Exploit en parlant au Portier dudit Conuent qui n'a voulu dire son nom; ains seulement qu'il auoit ordre de dire, Qu'on se pouruoiroit contre la presente Commission; és presences de Maistres Christophle Morlier, Prestre, Curé de Wailly, Guillaume L'Homme, Archer de la Mareschaussée en la Prouince de Picardie, & Anthoine la Gache, Appariteur en la Cour spirituelle d'Amiens tesmoins. Signé, Pillaguet, l'Homme, & la Gache.

*Acte d'appel interietté par lesdits Feuquiere & le Iuge, comme de iuge incompetent.*

**L**E 12. iour d'Octobre 1644. A la requeste du Pere Anthoine Feuquiere, Recteur du College de la Compagnie de Iesus à Amiens, tant en son nom qu'au nom du Pere Christophle le Iuge, Religieux de la mesme Compagnie, cy-deuant Predicateur du College des Iesuites de ladite ville, qui a esleu domicile en la maison dudit College, le Sergeant Royal ayant pouuoir d'exploiter par tout le Royaume de France, sousigné, certifie auoir signifié & deuëment fait à sçauoir à Maistre Louis Pecoul, Promoteur de la Cour spirituelle d'Amiens, en son domicile, parlant à sa personne, Qu'ils se sont portez & portent pour appellans de l'octroy de Commission, donnée par le Sieur Official d'Amiens, du 11. du present mois, & des Exploits de citation, faits en vertu de ladite Commission, & ce comme de



*Iuge incompetent , pour n'estre lesdits Pere Feuquieres, & le Iuge responsables ny iusticiables dudit Sieur Official , pour les causes & raisons qu'ils desduiront en temps & lieu : Protestant ledit Pere Feuquieres esdits noms, en cas qu'il se fasse aucune chose au preiudice dudit appel, de se pourvoir à l'encontre d'eux en leurs propres & priez noms, pour attentats & entreprise de Iurisdiction, ainsi qu'ils aduiseront bon estre, le tout à ce que ledit Sieur Promoteur n'en pretende cause d'ignorance. Fait presens les tesmoins desnommez en mon Exploit original. Signé Anthoine Feuquieres & Cudefer.*

*Decret de prise de corps contre lesdits Feuquieres & le Iuge.*

*Extraict du Registre du Greffe de la Cour spirituelle d'Amiens.*

*Du Mercredy 12. iour d'Octobre 1644.*

**L**E Promoteur de cette Cour demandeur contre les nommez *Anthoine Feuquieres, Recteur, & Christophle le Iuge, Predicateur du College des Iesuites d'Amiens*, defendeurs, citez à comparoir en personne à l'appel de la cause: Apres que ledit demandeur nous a requis default contre lesdits Feuquieres & le Iuge, accusez, non comparans, & que par vertu d'iceluy il soit dit qu'ils soient prins & apprehendez au corps, avec imploration du bras seculier, si besoin est, nonob-



stant & sans auoir esgard à la signification qu'ils luy ont ce iourd'huy fait faire , par Exploict de Cudefer Sergent, *attendu que par l'Assemblée du Clergé de France tenuë à Poissy, Arrests de la Cour de Parlement, & Edict du rappel des Iesuites en ce Royaume, ils sont sujets au Droit Commun & soumis à la Iurisdiction des Euesques, & sans prejudice, & autres raisons par lesquelles ils doivent comparoir personnellement:* Nous faisans droit sur la requeste dudit Promoteur, auons donné défaut, & par vertu d'iceluy, *ordonné que lesdits Feuquieres & le Iuge, seront tenus comparoir personnellement pardeuant Nous, & respondre par leurs bouches dedans ledit iour; iceluy passé, ils seront pris & apprehendez au corps, avec imploration du bras seculier, si besoin est: Et où ils ne pourroient estre apprehendez seront assignez à trois briefs delais, ce qui leur sera signifié desdits iour & an, pardeuant nous François Barboteau, Prestre, Bachelier en Theologie, Preuost & Chanoine de l'Eglise Cathedrale, & Official d'Amiens.* Signé, PICARD.

**L**Es iour & an que dessus, la presente Ordonnance a esté par moy Appariteur de la Cour spirituelle d'Amiens, sousigné, signifié & deuëment fait sçauoir aux susnommez Feuquieres & le Iuge, Iesuites, parlant à Frere Georges Bert, Religieux du Conuent des Peres Iesuites de la ville d'Amiens, luy delaisant deux copies de ladite Or-



donnance, & autant du present Exploit, en presence de Maistre Iean Baptiste Loisel, Prestre, Curé de Croye, & Claude Guiraut, Prestre, Curé de Cerisi, ainsi signé Pillaguet, Loisel, Guirault.

*Autre Acte d'appel interjetté par lesdits Feuquiere & le Iuge, en adherant à la premiere appellation comme de Iuge incompetent.*

**L**E 13. iour d'Octobre 1644. à la requeste du Pere Antoine Feuquiere, Recteur de la Compagnie de Iesus à Amiens, tant en son nom qu'au nom du Pere Christophle le Iuge, Religieux de la mesme Compagnie, cy-deuant Predicateur du College des Peres Iesuites de ladite ville, qui a esleu domicile en la maison dudit College: Le Huissier Royal ayant pouuoir d'exploiter par tout le Royaume de France, resident à Amiens, sousigné, certifie auoir signifié & deuëment fait scauoir à M<sup>re</sup>. Loüis Pecoul, Promoteur de la Cour spirituelle d'Amiens, qu'ils se sont portez & portent pour appellans de l'appointement portant defaut rendu contre eux par le sieur Official d'Amiens, sur la Requeste dudit Promoteur le 12. du present mois, & de tout ce qui s'en est ensuiuy, & ce adherant à la premiere appellation, comme de Iuge incompetent, pour n'estre lesdits Peres Feuquiere & le Iuge iusticiables dudit Official, pour les causes & raisons qu'ils déduiront en temps & lieu; Protestant ledit Pere Feuquiere, esdits noms, comme deuant,



deuant, en cas qu'il se fasse aucune chose au preiudice dudit appel, de se pourvoir à l'encontre d'eux en leurs propres & priuez noms, pour l'attentat & entreprise de iurisdiction, & de se faire reparer des injures & paroles contenuës audit appoinctement, à ce que ledit Promoteur n'en pretende cause d'ignorance. De laquelle signification i'ay baillé & delaisié copie audit Promoteur, en parlant

en son domicile, és presences de Iean François, Iean Gambier Huissier, & autres tesmoins. Signé Antoine Feuquiere, François, Gambier & Bignet.

*Troisiesme acte d'appel interietté par les mesmes, comme de iuge incompetent, & de prise à partie, signifié aux sieurs Official & Promoteur de la Cour Spirituelle d'Amiens.*

**L**E 15. iour d'O&obre 1644. à la requeste du pere Antoine de Feuquiere, Recteur de la Compagnie de Iesus à Amiens, tant en son nom qu'au nom du pere Christophle le Iuge, Religieux de la mesme Compagnie, cy-deuant Predicateur du College des Iesuites de ladite ville, qui a esleu domicile en la Maison dudit College: Ie Huissier Royal, resident à Amiens, soubssigné, certifie auoir signifié & deuëment fait sçauoir au sieur François Barboteau, Official d'Amiens, qu'encores qu'ils ayent interjetté appel de la commission decernée par ledit Official, sur la requeste de maistre Louïs Pe-



*coult*, Promoteur en la Cour spirituelle d'Amiens, contre lesdits Peres de *Feuquiere & le Iuge*, le 11. du present mois, & de l'exploict de citation fait en consequence, comme de iuge incompetent, signifié audit Promoteur le 12. dudit mois, si est-ce que ledit Official n'a laissé sur la requeste dudit Promoteur, de rendre Sentence nonobstant le dit appel, le 12. du mesme mois, dont ils ont aussi interietté appel en adherant, à eux signifié ledit mois, pourquoy lesdits Peres de *Feuquiere & le Iuge*, ont pris & prennent lesdits Official & Promoteur à partie, en leurs propres & priuez noms, pour auoir passé outre ledit appel par eux interietté comme de iuge incompetent, & pour les attentats par eux faits au preiudice d'iceluy, desquels ils entendent de se faire reparer; ensemble des torts & injures qui leur ont esté faits, & pour autres raisons qu'ils déduiront en temps & lieu, le tout à ce que lesdits Official & Promoteur n'en pretendent cause d'ignorance. De laquelle signification j'ay baillé & delaisé coppie audit sieur Pecoul, Promoteur, en parlant à sa personne en son domicile, és presences de François le Grand, Eustache Deulin Huiffiers, & autres tesmoins. Signé Antoine de Feuquiere, le Grand, Deulin & Nicquet.

*Extraict des Registres du Conseil d'Etat.*

**S**ur la requeste présentée au Roy en son Conseil, par le Pere Antoine Feuquiere, Re-



cteur du College des Peres Iesuites de la ville d'Amiens, tendante à ce qu'au preiudice de l'appel interjeté par luy, tant en son nom qu'en celuy du Pere le Iuge aussi Iesuite, d'une commission contr'eux decernée, par maistre François Barbotteau Chanoine & Official de l'Eglise Cathedrale de ladite ville d'Amiens, à la requeste du Promoteur en icelle, le 11. du present mois d'Octobre, & des citations à eux faites le mesme iour à comparoir pardeuant ledit Official, pour respondre sur les conclusions dudit Promoteur: Ledit Official n'ayant pas laissé de passer outre, & à faute d'auoir par eux comparu, d'ordonner qu'ils seroient tenus de comparoir personnellement dans ledit iour 11. Octobre, sinon & iceluy passé pris & apprehendez au corps, & où ils ne le pourroient estre, assignez à trois briefs iours; Il pleust à sa Majesté declarer lesdites procedures nulles & injurieuses, & faire tres-expresses inhibitions & defences ausdits Promoteur & Official, de faire mettre lesdits Iugemens, Decrets, & Ordonnances à execution, tant contre ledit suppliant que contre ledit pere le Iuge, & tous autres Religieux du College, à peine de saisie de leur temporel: Et à tous Prestres, Clercs tonsurez, Appariteurs du Clergé, ensemble à tous Huissiers, Archers, Sergens Royaux, & autres, d'exploiter aucuns iugemens dudit Official contr'eux, à peine de mil liures d'amende. VEV ladite Requeste, signée Petit, Avocat, ladite Commission de l'Official de ladite



Eglise Cathedrale d'Amiens, dudit iour 11. du present mois d'Octobre : L'Exploit de citation & assignation donnée audit P. le Iuge, pardeuant ledit Official, ledit iour 11. du present mois: Acte d'appel desdites Commission & citation par ledit Suppliant, tant en son nom qu'au nom dudit Pere le Iuge, signifié audit Promoteur le 12. dudit present mois: Decret d'adjournement personnel & prise de corps, decerné par ledit Official contre ledit Feuquiere & le Iuge, dudit iour 12. dudit mois: Acte d'appel dudit Decret par ledit Pere Feuquiere, au nom comme dessus, du 13. ensuiuant : Acte de prise à partie desdits Official & Promoteur, par ledit Feuquiere audit nom, du 15. ensuiuant : Oüy le rapport du sieur d'Estampes Vallancé, Conseiller d'Estat, & tout considéré; **LE ROY EN SON CONSEIL**, a ordonné & ordonne que sur l'appel interietté par lesdits Peres Feuquiere & le Iuge, des citations & Ordonnances dudit Official d'Amiens, ils se pouruoiront dans quatre mois pardeuant le S. Siege: A fait & fait tres-expresses inhibitions & deffenses de rien attenter contre les priuileges desdits Iesuites, au preiudice dudit appel, ny de mettre à execution le decret de prise de corps, decerné contre lesdits Peres Feuquiere & le Iuge, & ce faisant qu'ils pourront continuër librement les exercices de leurs fonctions ordinaires, tout ainsi qu'ils faisoient auant lesdites Ordonnances & Decrets, & iusques à ce qu'autrement par sa Sainteté en



ait esté ordonné. Et neantmoins sa Majesté veut & ordonne que les charges & informations faites par ledit Official, contre lesdits Feuquiere & le Juge, soient apportées au Greffe du Conseil dans vn mois. FAIT au Conseil d'Estat du Roy tenu à Paris le 27. iour d'Octobre 1644.

Signé,

GALLAND.

**L**OVIS par la grace de Dieu Roy de France & de Nauarre: Au premier des Huissiers de nostre Conseil, ou autre Huissier ou Sergent sur ce requis, Nous te mandons & commandons que l'Arrest dont l'Extraict est cy-attaché sous le contresceel de nostre Chancellerie, ce iourd'huy donné en nostre Conseil d'Estat, sur la Requeste du Pere Antoine Feuquiere, Recteur du College des Peres Iesuites de la ville d'Amiens: Tu signifies à l'Official d'Amiens, & à tous autres qu'il appartiendra, à ce qu'il n'en pretende cause d'ignorance: Et faits pour l'execution d'iceluy tous commandemens, sommations, defenses, & autres actes & exploits necessaires, sans autre permission: CAR tel est nostre plaisir. DONNÉ à Paris le 27. iour d'Octobre l'an de grace 1644. & de nostre regne le deuxiesme. Signé, Par le Roy en son Conseil, GALLAND, & scellé.

*Collationné aux originaux par moy Conseiller  
Secretaire du Roy, Maison, & Couronne  
de France & de ses Finances. PETIT.*



**L**E 4. iour de Nouembre 1644. à la requeste du Pere Feuquiere, Recteur du College des Peres Iesuites de la ville d'Amiens, tant en son nom qu'au nom du Pere le Iuge, Iesuite, qui ont esleu leur domicile en la Maison dudit College : Le Huissier Royal ayant pouuoir d'exploiter par tout le Royaume de France, residant audit Amiens, soubsigné, certifie auoir signifié & deuément fait sçauoir à Maistre François Barboteau, Official d'Amiens, l'Arrest du Conseil priué, & les defences contenuës en iceluy, obtenuës par le dit Pere Feuquiere, le 27. Octobre dernier, estant en parchemin, signé GALLAND, & la Commission sur iceluy dudit iour, aussi en parchemin, signée, Par le Roy en son Conseil, GALLAND, & sceellé du grand sceau de cire iaune, où sont empraints *l'image & armes de sa Majesté*, à ce qu'il n'en pretende cause d'ignorance, ait à satisfaire audit Arrest, dans le temps porté par iceluy, & aussi qu'il n'ait à faire aucune chose au preiudice d'iceluy, soit par luy ou autres Officiers. Duquel Arrest & Commission, dont coppie est cy-dessus collationnée par le sieur Petit Secrétaire du Roy, & ensemble du present Exploit, i'ay baillé & delaisné coppie audit sieur Official en son domicile, à ce qu'il n'en pretende cause d'ignorance. Fait és presences des tesmoins denommez en mon principal Exploit, present Barré, Eustache Deulin, Huissiers, & autres tesmoins. Signé Brahier, Deulin & Nicquet.



## BREF DV PAPE INNOCENT X.

obtenu par les Recteur & lesuites du College d'Amiens, sur l'appel comme de iuge incompetent interjetté par lesdits Feuquiere & le Iuge.

## Innocentius P P. X.

**V**enerabiles Fratres, salutem & Apostolicam benedictionem. Exponi nobis nuper fecerunt dilecti filij Rector & Collegiales collegij Societatis Iesu Ambianensis, quòd licet ipsi exponentes sint immunes & exempti à iurisdictione Ordinarij, & sedi Apostolica immediatè subiecti, nihilominus dilectus filius Officialis Ambianensis, iurisdictionem sibi non competentem assumendo ad instantiam dilecti filij Promotoris Curiae Episcopalis eosdem exponentes seu Rectorem & Superiores dicti Collegij ad personaliter coram se comparendum, & super conclusionibus dicti Promotoris respondendum diem dici curavit, & in defectum non comparitionis mandatum contra eos de capiendo decrevit, aliàque forsan grauamina dictis exponentibus intulit in præiudicium Priuilegiorum Apostolicorum eis concessorum à quibus tanquam à iudice incompetente emanatis, sicque nulliter dicti exponentes intra legitima, ut ipsi asserunt, tempora appellarunt, nobisque humiliter supplicari fecerunt ut eis in præmissis de opportuno iuris remedio subuenire paterna sollici-



*tudine curaremus: Nos igitur unicuique iustitiam, ut decet, ministrari cupientes, ac statum & merita causæ & causarum huiusmodi pro expressis habentes ipsosque exponentes, & eorum singulos à quibusvis excommunicationis, suspensionis & interdicti alijsque Ecclesiasticis sententijs, censuris & pœnis à iure, vel ab homine quauis occasione, vel causa latis, si quibus quomodolibet innodati existunt ad effectum præsentium duntaxat consequendum harum serie absoluentes & absolutos fore censentes, huiusmodi supplicationibus inclinati fraternitati vestræ, Fratres Episcopi, per præsentem committimus & mandamus quatenus vos vel duo aut vnus vestrùm vocatis ad id qui fuerint euocandi, causam & causas appellationis & appellationum huiusmodi ac nullitatis & nullitatum ex tribus iniquitatis & iniustitiæ necnon attentatorum & innouatorum quorumcûmque ac restitutionis in integrum prout de iure aduersus præiudicialia quacumque necnon quam & quas dicti exponentes super præmissis contra Promotorem prædictum omnesque alios sua interesse putantes habent, & mouent, haberéque & mouere volunt & intendunt cum omnibus & singulis suis incidentijs, dependentijs, emergentijs, annexis & connexis, totoque negotio principali & summarie prout in beneficiabilibus auctoritate nostra audiat, cognoscatis, sineque debito terminetis & decidatis. Nos enim vobis & cuilibet vestrùm etiam per edictum constituto de non tuto accessu, dictum Promotorem omnesque alios quos opus fuerit citandi, eisque & quibus inhibendum*



hibendum erit etiam sub excommunicationis alijsque Ecclesiasticis sententijs, censuris & pœnis inhibendi ac inobedientes in illas incidisse seruata formâ Concilij Tridentini declarandi, aggrauandi, reaggrauandi & interdicendi, auxiliûmque brachij secularis ad hoc, si opus fuerit, inuocandi, & attentata & innouata quacumque prout de iure reuocandi. Fatalia quoque si durent vestro, & cuiuslibet vestrûm arbitrio prorogandi, quatenus verò lapsa sint, exponentes prædictos aduersuseorum lapsum, rem iudicatam, & alia præiudicialia quacumque in integrum etiam prout de iure restituendi, ceteraque in præmissis necessaria & opportuna faciendi, exercendi, & exequendi, plenam & liberam Apostolicâ auctoritate tenore præsentium concedimus facultatem, non obstantibus præmissis, ac constitutionibus & ordinationibus Apostolicis, ceterisque contrarijs quibuscumque. Datum Romæ apud sanctum Petrum sub annulo Piscatoris, die XXIII. Decembris M. DC. XLIV. Pontificatus nostri anno primo. Signatum, MOROLVS. Est escrit sur le reply. I. FR. MAVRVS. Et sur le dos: Venerabilibus fratribus Syluaneânsi, & Vaurenfi, ac Meldensi Episcopis, & eorum cuilibet.

Commission de Monseigneur l'Euesque de  
Senlis pour proceder pardeuant luy  
en execution dudit Bref.

**N**icolaus voluntate diuinâ & sanctæ Sedis Apostolicæ gratiâ Syluaneânsis Episcopus, Index seu Commissarius hac in parte à sanctissimo in Chri-



sto Patre & domino nostro D. Innocentio diuinâ  
 prouidentiâ Papâ decimo & moderno. Cum quibus-  
 dam alijs nostris hac in partē Collegis, cum clausula  
 in solidum quatenus vos, vel duo, aut unus vestrum  
 &c. per suum rescriptum Apostolicum sub data Ro-  
 mæ apud sanctum Petrum, sub annulo Piscatoris, die  
 23. Decembris anni nouissimè effluxi 1644. Pontifi-  
 catus vero præfati sanctissimi domini Papæ, anno  
 primo; supra plicam Io. Franc. Maurus signatum,  
 & debitè sigillatum, specialiter commissus deputa-  
 tus, Omnibus Presbyteris, Notarijs Apostolicis, &  
 Tabellionibus publicis, ac Apparitoribus ubilibet  
 constitutis, salutem in Domino. Et nostris imò veriùs  
 Apostolicis firmiter obedire mandatis, vobis auctori-  
 tate Apostolicâ quâ fungimur in hac parte, man-  
 damus quatenus ad instantium venerabilium pa-  
 trum Rectoris & Collegialium Collegij Societa-  
 tis Iesu Ambianensis appellantium à quibusdam de-  
 cretis seu ordinationibus discreti Officialis Ambia-  
 nensis, contra eos ad opus & utilitatem Promotoris  
 Curie Episcopalis, Ambianensis latis, seu factis, & ab  
 inde sequutis & sequuturis quibuscunque, citetis per-  
 emptoriè coràm nobis ad certos & competentes diem,  
 locum, & horam præfatum Officialem Ambianen-  
 sem iudicem à quo, si sua crediderit interesse, & po-  
 tissimum dictum Promotorem Curie Episcopalis  
 Ambianensis intimatum, omnesque alios quos dece-  
 bit, in dicta appellationis causa eiusque circumstantijs  
 & dependentijs, prout iuris erit & rationis, proces-  
 suros, & procedi visuros, inhibentes strictè dictis



iudici à quo & intimato, alijsque quibus opus fuerit, nequid pendente dicta appellationis causa, & donec aliter per nos ordinatum fuerit, quidquam in præiudicium dictorum appellantium eorúmque appellationum faciant aut attentent quouis modo, & si quid attentatum fuerit, illud reuocent iudicate, eundem appellantem aduersus fatalia & eorum lapsum, aliáque præiudicialia quacunque in integrum, prout de iure auctoritate Apostolicâ prædictâ conformiter & ad tenorem supradicti rescripti Apostolici restituentes. Præterea moneatis actuarium dictæ Curie Episcopalis Ambianensis, eiusve commissum quatenus intra diem assignandam, Parisios & penes Magistrum Ludouicum Bruant iurium Licentiatum in supremo Senatu Parisiensi Aduocatum publicum auctoritate Apostolicâ Curieque Archiepiscopalis Parisiensis Notarium iuratum, Parisijs in vico nouo beatæ Mariæ Virginis commorantem, subsignatum, à nobis hac in causa in scribam assumptum, mittat, seu mitti procuret decreta & ordinationes à quibus prouocatum existit, informationes si quæ sint & processuras super quibus supradicta decreta & ordinationes interuenerunt saluis illius salarijs competentibus, & in casu recusationis vel nimie dilationis citetis eum ut suprâ dicturum causas propter quas ad id minimè teneatur cum intimatione assuetâ exequamini diligenter. Datum Parisijs ubi nunc existimus sub signo & sigillo nostris, ac chirographo dicti Bruant Notarij, anno Domini 1645. die 21. mensis Februarij. Signatum NICOLAUS Episcopus Syluane-



*ctensis, Bruant Notarius hac in parte in scribam assumptus.*

**L**E Samedy 25. iour de Feurier 1645. à la re-  
 queste du pere Antoine de Feuquiere Re-  
 cteur, & des Iesuites du College d'Amiens, qui  
 ont esleu leur domicile en ladite ville d'Amiens, en  
 la maison dudit College, & en la ville de Paris en  
 la maison professe des Iesuites de saint Loüis, si-  
 ze en la ruë de saint Antoine: Et en vertu de la  
 Commission donnée par Monseigneur l'*Euesque*  
*de Senlis, Iuge & Commissaire* député en cette  
 partie par nostre tres-saint pere le Pape Inno-  
 cent X. suiuant son rescript Apostolique, donné  
 à Rome le 23. Decembre 1644. & de son Pontifi-  
 cat le premier, avec les autres y denommez, &  
 aux clauses y contenuës, ladite Commission don-  
 née à Paris le 21. dudit mois de Feurier, signée,  
*Nicolaus Syluanectensis*; & plus bas, *Bruant Nota-*  
*rius in hac parte in scribam assumptus*, & seellée; Je  
 soubssigné, Prestre, Clerc au Diocese demeu-  
 rant audit Amiens, certifie auoir cité & donné  
 assignation à maistre Loüis Pecoul, Chanoine de  
 l'Eglise Cathedrale d'Amiens, & Promoteur en  
 la Cour spirituelle d'Amiens, à comparoir parde-  
 uant ledit Seigneur Euesque de Senlis, en son Ho-  
 stel en la ville de Paris, en la ruë des trois Pauil-  
 lons au Lundy 13. iour de Mars prochain dix heu-  
 res du matin, pour proceder sur les appellations  
 interjettées par lesdits pere Recteur & Iesuites



audit College, des commissions, reglemens, & sentence renduë contre eux par maistre François Barboteau, Official d'Amiens, au profit dudit Promoteur, & de tout ce qui s'en est ensuiuy, & sur tout le contenu en la Commission dudit Seigneur Euesque de Senlis, circonstances & dependances, luy faisant defense de rien faire ny attenter au preiudice, & pendant lescdites appellations: & iusques à ce, qu'il eust à reuoquer & annuller ce qui a esté fait & attenté au preiudice desdites appellations, selon qu'il est porté par ladite Commission, & en outre proceder selon raison: Et de laquelle citation, ensemble de ladite Commission, i'ay baillé & delaiissé coppie audit Pecoul en son domicile, parlant à presens Pierre Nicquet, François Pollet, & autres tesmoins, ainsi signé Caron, P. Nicquet, François Pollet.

*Defaut donné par ledit Seigneur Euesque  
de Senlis.*

**D**Efaut est donné par nous Nicolas Sanguin, Euesque de Senlis, Commissaire deputé en cette partie, par nostre Sainct Pere le Pape, au pere Antoine de Feuquiere, Recteur, & aux Peres Iesuites du College d'Amiens, appellants des Decrets & Ordonnances contre eux renduës par le sieur Official d'Amiens, & de tout ce qui s'en est ensuiuy, comparant & ce requerant par maistre Nicolas Horry leur Procureur, à l'encontre de



maistre Louïs Pecoul, Promoteur de l'Officialité d'Amiens intimé, assigné & non comparant, ny Procureur pour luy, par vertu & pour le profit duquel, Nous disons qu'il sera reassigné pardeuant nous, à la quinzaine d'huy, en cette ville de Paris en nostre Hostel, sis ruë des trois Pauillons, pour proceder sur ledit appel, & en outre comme de raison, avec intimation qu'à faute de comparoir sera fait droict sur les conclusions desdits appellans, & que iteratif commandement sera fait au Greffier de l'Officialité d'Amiens, son commis, ou autres qu'il appartiendra, d'apporter ou enuoier incessamment es mains de maistre Louïs Bruant, Aduocat en Parlement, & Notaire Apostolique à Paris, Greffier par nous commis en la presente cause d'appel, y demeurant, ruë neufue nostre Dame, soubsigné, les ordonnances, informations, decrets, sentences, pieces & procedures dont est appel, sauf ses salaires raisonnables, & au cas de refus ou delay assignation pardeuant nous à la quinzaine, comme dessus, avec intimation qu'à faute de ce faire il y sera contraint par toutes voyes deuës & raisonnables. Donné à Paris le 6. May 1645. Signé NICOLAS E. de Senlis, & Bruant.

**L**E Lundy 15. iour de May 1645. en vertu du deffaut, par coppie cy-dessus donnée par Monseigneur l'Euesque de Senlis, Iuge & Commissaire deputé en cette partie par nostre saint



peré le Pape, avec profit, en datte du 6. dudit mois de May, signé Bruant, & à la requeste du pere Antoine de Feuquiere, Recteur, & des Peres Iesuites du College d'Amiens, appellants des decrets & ordonnances contre eux renduës par le sieur Official d'Amiens, & de tout ce qui s'en est ensuiuy, lesquels ont esleu leur domicile comme deuant, en ladite ville d'Amiens, en la maison dudit College, & en la ville de Paris en la maison professe de saint Louïs, sise en la ruë saint Antoine, le Huissier Royal, soubsigné, aiant pouuoir d'exploiter par tout le Royaume de France, demeurant audit Amiens, certifie auoir reassigné maistre Louïs Pecoul, Chanoine de l'Eglise nostre Dame d'Amiens, & Promoteur en l'Officialité dudit Amiens, pardeuant ledit Seigneur Euesque de Senlis, en son Hostel en ladite ville de Paris, ruë des trois Pauillons, à la quinzaine d'huy, pour proceder sur ledit appel, & en outre proceder comme de raison, avec intimation qu'à faute de comparoir sera fait droict sur les conclusions desdits appellants. Fait presens les tesmoins nommez en mon original. Signé, P. Nicquet.

*Lettres de relief d'appel comme d'abus  
de l'exécution dudit Bref.*

**L**OVIS par la grace de Dieu Roy de France & de Nauarre, Au premier nostre Huissier ou Sergent sur ce requis. De la partie de nostre amé maistre *Louis Pecoul, Prestre, Chanoine de*



l'Eglise d'Amiens, & Promoteur en l'Officialité dudit lieu, Nous a esté exposé, que sur les poursuites faites à la requeste en ladite Officialité, contre les nommez *Feuquiere* & *le Iuge*, Iesuites, ils ont interjetté appel comme de iuge incompetent des decrets d'adjournement personnel, & prise de corps contre eux decernez par l'Official dudit lieu, ensemble de toute la procedure, obtenu Bref de Cour de Rome, au nom du Recteur & Collegiaux du College des Iesuites d'Amiens, le 23. Decembre dernier, adressé au sieur Euesque de Senlis, pour iuger lesdites appellations, & fait assigner l'exposant deuant ledit sieur Euesque: De l'exécution duquel Bref, & de tout ce qui s'en est ensuiuy, l'exposant a esté conseillé d'interjetter, comme il interjette appel comme d'abus à nous & à nostre Cour de Parlement, comme estant directement contraire au Concordat, au decret de caufis, qui veut que les appellations se releuent immediatement de superieur en superieur: D'ailleurs, ce Bref porte, que les Iesuites sont exempts de la iurisdiction des Ordinaires, & immediatement sujets au Pape, contre l'Arrest de nostre Parlement du 30. Feurier 1561. interuenu sur nos Lettres patentes du 23. Decembre 1560. pour l'establissement de la société des Iesuites en France, portant que l'acte de reception & approbation, fait au Concile & assemblée de Poissy, seroit enregistré au Greffe de la Cour, par forme de Société & College, qui seroit nommé le College de Clermont, à la charge entre  
autres



autres que l'Euesque diocesain auroit toute superintendance, iurisdiction & correction sur ladite société & College, & que les Freres d'iceluy en spirituel & temporel ne feroient aucune chose au prejudice des Euesques, ains seroient tenus se conformer à la disposition du droit commun. Ce qui a esté confirmé par Lettres patentes de leur reestablisement en France, & Arrest de verification d'iceluy, mesmes en l'acte de leur reception & establisement en la ville d'Amiens, du premier Octobre 1607. Et pour autres raisons à déduire en temps & lieu. Pour ce est-il que nous te mandons & com-mettons par ces presentes, qu'à la requeste dudict exposant, tu adjournes & intimes sur ledit appel, à certain & competent iour en nostredite Cour lesdits Feuquiere, le Iuge, & autres Collegiaux Iesuites dudict College d'Amiens, pour respondre & proceder sur iceluy, & outre faire commandement au Greffier de ladite Officialité & tous autres, d'apporter ou enuoyer au Greffe de nostredite Cour, les charges & informations faites contre lesdits Feuquiere & le Iuge, en certifiant de ce que fait auras nostredite Cour, à laquelle mandons faire aux parties ouyes bonne & briefue justice: CAR tel est nostre plaisir. DONNE' à Paris le 28. iour d'Auril 1645. & de nostre regne le deuxiesme. Signé, Par le Conseil, P. LE COVSTURIER, & scellé de cire jaune sur simple queue.



L'An mil fix cens quarante-cinq, le 27. iour de May, en vertu de certaines lettres en forme de relief d'appel, obtenuës en Chancellerie le 28. iour d'Auril dernier, signées, Par le Conseil, P. LE COVSTVRIER, & sceellées, cy-attachées, & à la requeste de maistre Louïs Pecoul, Prestre, & Chanoine de l'Eglise d'Amiens, & Promoteur de l'Officialité dudit lieu, impetrant desdites Lettres, a esté par moy Sergeant Royal, resident à Amiens, ayant pouuoir d'exploiter par tout le Royaume de France, soubssigné, adjourné & donné assignation aux nommez *Antoine Feuquiere, Recteur du College des Iesuites d'Amiens, Christophle le Iuge Iesuite, & autres Collegiaux Iesuites dudit College d'Amiens,* en parlant à la personne dudit Feuquiere Recteur, tant pour luy que pour lesdits le Iuge, & autres Collegiaux Iesuites dudit College, en leur domicile audit College d'Amiens; à estre & comparoir de ce jourd'huy en quinzaine, pardevant nosseigneurs de la Cour de Parlement de Paris, pour respondre & proceder sur l'appel comme d'abus mentionné esdites Lettres de relief d'appel, & en outre comme de raison. Desquelles lettres, ensemble du present exploit, ie leuray (parlant que dessus) baillé & laissé coppie, és presences de François Cudefer, Louïs Houbart, Pierre Raingard, Archers, & Huissiers, & autres tesmoins. Ainsi signé Cudefer, A. Vasseur, & Houbart.



*Remonstrance faite au Parlement par Monsieur  
maistre P. Segulier Aduocat general du 26. Ian-  
uier 1552. sur les Lettres patentes obtenues par  
les Iesuites.*

**EXTRAICT DES REGISTRES**  
*de Parlement.*

**C**E iourd'huy les gens du Roy, par l'organe  
de *maistre Pierre Segulier, Aduocat dudit  
Seigneur*, ont remonstré à ladite Cour, que par  
cy-deuant il y a eu Lettres patentes du Roy pre-  
sentées à ladite Cour, afin d'autoriser par icelle  
vne congregation, que l'on appelle *la congrega-  
tion des Iesuites*: Et apres la presentation faite à la  
Cour desdites Lettres, elle ordonna qu'elles se-  
roient communiquées au Procureur General du  
Roy à la maniere accoustumée; Aiant ledit Pro-  
cureur General du Roy veu lesdites lettres avec  
feu *maistre Gabriel de Marillac*, lors Aduocat du  
Roy & luy qui parle, ils baillerent leurs *conclu-  
sions* par escrit raisonnées, pour empescher l'en-  
terinement & verification, au moins en tout  
euuenement, pour supplier la Cour faire remon-  
strances au Roy telles qu'elle aduiseroit, à ce que  
l'autorisation desdites Lettres ne passast: Es-  
quelles conclusions y auoit trois ou quatre  
points; *Le premier estoit*, Qu'au fond ils ne trou-  
uoient l'erection de cette congregation seule-  
ment non necessaire, mais superflue: car les con-



stitutions Canoniques qui ont esté faites il y a quatre ou cinq cens ans, ont estimé qu'il y auoit assez de Religions, reprouuans les nouuelles que lors on auoit nouuellement introduites, & encores vouloit-on introduire, & sembloit suffire d'entretenir les anciennes, approuuées & receuës, ainsi, *Sibi videbatur hæc congregatio*, des Iesuites, *nimia*: Au reste ces Iesuites prennent l'exemption; tellement que, si *quid peccatum est in norma eorum*, il faudroit recourir à Rome pour auoir les rescripts necessaires. *Secundò*, par leursdites Lettres il leur est permis tenir toutes leurs possessions sans aucun droit de dixmes; tellement que les Curez & ceux auxquels la dixme appartient, n'y pourroient rien pretendre de dixme, cela semble nouveau. Ils disent par les Lettres qu'ils veulent aller prescher la Foy de Iesus-Christ en la Morée; cela estoit tres-bon; mais s'ils auoient la deuotion de ce faire pour l'honneur de Dieu & augmentation de nostre Foy, ils ne deuoient demander ce qu'ils faisoient, Et pour ces causes, ils auoient esté d'aduis, comme il a dit, qu'ils deuoient empescher l'authorisation desdites lettres, au moins supplier la Cour faire remonstrances au Roy, à ce que la Cour ne fist cette authorisation. Et combien que leurs conclusions fussent par escrit, neantmoins la Cour ne leur auoit point fait droit sur icelles, au moins qu'il soit venu à leur cognoissance; ains, qui plus est, l'on auroit rendu à ceux qui poursuiuoient ladite authorisation,



*lesdites lettres & leurs conclusions* ensemblement; tellement que sur icelles conclusions, ils se sont retirez pardeuers le Roy; & de luy ont eu *lettres en forme d'Iterato*, en deboutant ledit Procureur general de ses conclusions prises, portans lesdites dernieres lettres, Que le Roy a bien entendu les remonstrances que l'on luy vouloit faire, & que nonobstant icelles, il vouloit & entendoit que ses premieres Lettres fussent enterinées; & mande audit Procureur general, qu'il soit non pas consentant seulement la verification d'icelles lettres, mais le requiere; *A cette cause*, ils supplioient la Cour, premierement que les *conclusions* que d'oresnauant ils bailleront par écrit, ou proposeront de bouche, soient *tenuës secrettes*; de maniere qu'elles ne viennent point à la notice & cognoissance de ceux qui poursuiuent la verification d'aucunes Lettres patentes. Quant à eux, s'ils ont baillé des conclusions que la Cour ne trouue bonnes, & elle les en deboute, ils prendront cela aussi patiemment comme si la Cour les leur auoit enterinées; mais leur sembloit *estrange que l'on alloit porter leurs conclusions au Roy, & en son Conseil*, & puis sur icelles on despeschoit lettres que nonobstant icelles on passast outre: Au demeurant persistoient selon leursdites conclusions, Que remonstrances soient faites au Roy. FAIT en Parlement le 26. Ianuier 1552. & au bas est escript. *Collation.*



*Arrest du Parlement de Paris, portant que les Bulles & Lettres obtenues par les Iesuites, seroient communiquées au sieur Euesque, & faculté de Theologie.*

**EXTRAICT DES REGISTRES**  
*de Parlement.*

**V**EV par la Cour les Lettres patentes du Roy, du mois de Ianuier 1550. obtenues & impetrées par les Prestres & escoliers de la société de *Iesus Christ*, contenant omologation des Bulles à eux octroyées par nostre saint pere le Pape, le tout attaché ensemble sous le contreseel de la Chancellerie, avec autres Lettres de Declaration dudit Seigneur, à ce qu'il soit passé outre à la lecture desdites lettres d'omologation, nonobstant les remonstrances y mentionnées, & la requeste depuis présentée à icelle Cour par lesdits impetrans, & sur ce ouï le Procureur General du Roy; **LADITE COUR** auant que passer outre, a ordonné & ordonne que tant lesdites *Bulles* que *Lettres patentes* dudit Seigneur seront communiquées à l'Euesque de Paris, & au Doyen & faculté de Theologie de cette Ville & Vniuersité de Paris, pour sur icelles estre ouïs & dire ce qu'il appartiendra. **FAIT** en Parlement le troisieme Aoust mil cinq cens cinquante-quatre.



*Aduis de Messire Eustache du Bellay, Euesque de Paris, en l'an 1554. sur les Bulles obtenuës par les Iesuites.*

**L'**Euesque de Paris, auquel par Ordonnance de la Cour ont esté communiquées quelques Bulles des Papes Paul & Iules tiers, ensemble les Lettres patentes du Roy Henry à present regnant, adressantes à ladite Cour, pour proceder à la verification, lecture & publication desdites Bulles obtenuës par les eux disans Iesuites, ou la societé sous le nom de Iesus.

Après les protestations en cet endroit pertinentes, de l'obeïssance & reuerence qu'il doit & veut porter, tant au sainct Siege qu'au Roy.

Dit, Que lesdites Bulles contiennent plusieurs choses qui semblent (sous correction) estranges, & alienées de raison, & qui ne doiuent estre tolerées ne receuës en la Religion Chrestienne.

*En premier lieu*, En ce que lesdits impetrans veulent estre appelez, la societé sous le nom de Iesus, qui est (sous correction) nom arrogant pour eux, voulans attribuër à eux seuls, *quod Ecclesia Catholica & Oecumenica competit*, & qui est proprement dite la congregation ou societé des fideles, desquels Iesus Christ est le Chef, & consequemment sous Iesus Christ, & *semble qu'ils se veulent dire seuls faire & constituer l'Eglise.*

*Secundò*, Ils promettent & voüent les trois



vœux solempnellement & mesmement pauvreté, renoncent à auoir aucune chose propre, *etiam in communi*, fors qu'és villes esquelles y a Vniuersitez, ils pourront auoir Colleges fondez pour les estudians.

Mais par les Lettres patentes du Roy leur est seulement permis auoir maison à Paris, & non ailleurs en ce Royaume, de l'erection de laquelle Maison est à present question, & neantmoins ne disent, si c'est pour receuoir ladite societé, ou pour vn College pour les estudians.

Si pour leur habitation, ils n'y peuuent auoir aucune fondation; si pour College, il leur est permis: Mais faut noter que combien qu'ils aient la superintendance dudit College, toutesfois lescdits escoliers ne sont encores de la Compagnie, pour n'auoir fait lescdits vœux, lesquels ils ne sont receus à faire, que l'on ne cognoisse quel fruit on espere de leur estude.

Aussi lescdites Bulles portent, Que l'admission & exclusion desdits escoliers leur appartient, & si lescdits escoliers estoient ja receus, aians fait lescdits vœux, il n'y auroit plus d'exclusion.

*Tertiò*, en ce qu'ils entendent bastir & conduire ladite maison & y viure d'aumosnes, considéré la malice du temps, auquel la charité est bien fort refroidie, dautant qu'il y a beaucoup de Monasteres & Maisons ja receuës & approuuées, qui viuent & s'entretiennent desdites aumosnes, auxquels cette nouuelle societé feroit grand tort:

Car



Car ce seroit autant distraire de leurs aumosnes : partant les faudroit oüir auant ladite publication, comme y ayans interest, c'est à sçauoir les quatre Mendians, les Quinze-vingts, & les Repenties.

Mesmement, seroit faire tort aux Hospitaux & Maisons - Dieu, & aux pauvres qui sont en iceux nourris d'aumosnes; c'est à sçauoir la communauté du bureau des pauvres, les enfans de la Trinité, les Enfans rouges, l'Hospital saint Germain des prez, & encores est sans doute que les aumosnes de l'Hostel-Dieu de Paris en seront diminuées.

*Quartò*, Combien qu'ils ayent voüé pauvrete, toutesfois ils entendent pouuoir estre pourueus aux dignitez Ecclesiastiques, & és plus grandes, comme Archeueschez & Eueschez, & mesmes auoir collation & disposition des Benefices: Et combien qu'ils veulent & accordent ne pouuoir accepter lesdits Eueschez sans le consentement, c'est à sçauoir, du General de la société, & les freres du General; Si est-il par là euident, que mettans la main à la charruë ils ont regardé derriere.

*Quintò*, en ce qu'ils ne veulent estre corrigez que par la société, encores qu'ils fussent entrez au ministere des Euesques, à quoy toutesfois ils ne veulent estre contraints, qui est bien à dire, que volontairement ils y peuuent entrer: Et si ainsi appelez à vn benefice Curé, il y auoit faute com-



mise en ce qui concerne l'estat de Curé, ils doivent pour ce regard estre punis par le Diocefain, quelque priuilege qu'ils puissent auoir, *c. cum capella. de priuileg.*

*Sexto*, En ce qu'ils entreprennent sur les Curez, à prescher, ouïr les Confessions, & administrer le saint Sacrement indifferemment, sans congé & permission desdits Curez : Et combien que pour le regard dudit Sacrement, ils exceptent la feste de Pasques, toutesfois pour les Confessions n'y a aucune exception, contre la decretale, *Omnis vtriusque sexus.*

Il est certain que tels priuileges ont esté autrefois donnez & octroyez aux Mendians, mesmement aux freres Prescheurs & Cordeliers, dont sont procedées grandes altercations entre lesdits Curez & eux, pour lesquelles a esté faite la Clementine, *dudum de sepulchris*, lesquelles altercations pour mesmes causes certainement aduiendront encores.

*Septimò*, Non seulement ils entreprennent sur lesdits Curez, mais aussi sur les Euesques quand ils veulent auoir pouuoir d'excommunier, dispenser *cum illegitimè natis*, sans exprimer comment, *ut promoueri possint* ; consacrer *Basilicas, siue Ecclesias & alia vasa & ornamenta Ecclesiastica.*

En quoy on voit que non seulement, *Quæ sunt iurisdictionis*, ils entreprennent, mais *ea quæ sunt ordinis* ; car il est certain que *consecrationes*



*nisi ab Episcopis consecratis fieri non possunt.*

*Octauo*, Non seulement sur les Euesques, mais sur le Pape ils entreprennent, en ce qu'ils peuvent dispenser *super irregularitate, quod soli Romano Pontifici competit; maximè quando in contemptum clauium.*

*Nono*, Combien que *ipsi Romano Pontifici obedientiam specialiter voueant*, & que leur ordre soit par luy accordé spécialement pour estre enuoyez aux Turcs, infideles, heretiques, & schismatiques; toutesfois ils veulent qu'il soit permis à leur supérieur pouuoir reuoquer ceux ainsi enuoyez par le Pape, qui est directement contre leur vœu.

*Decimo*, Ils sont seulement tenus au seruice particulier, sans dire quel vsage, chacun d'eux demeurant en liberté de ce qu'il voudra dire, & sans qu'ils soient tenus à dire ou ouïr haute Messe, Matines ou Vespres, & autres heures canoniales, estans par ce moyen exempts de ce à quoy les laïcs sont tenus & obligez, à sçauoir d'aller aux festes à la grand' Messe, & à Vespres.

*Vndecimo*, En ce qu'il leur est donné licence de commettre par tout où voudra leur General, aux lectures de la sainte Theologie, sans de ce auoir permission, chose tres-dangereuse en cette saison, & qui est contre les priuileges des Vniuersitez, pour distraire les estudians en ladite faculté.

*Pour la fin*, pesera la Cour, que toutes nou-



ueutez sont dangereuses, & que d'icelles prouien-  
nent plusieurs inconueniens non preueus ne preme-  
ditez.

Et parce que le fait que l'on pretend de l'ere-  
ction dudit Ordre ou Compagnie, est qu'ils iront  
prescher les Turcs & Infideles, & les amener à la  
cognoissance de Dieu, faudroit sous correction,  
establir lesdites Maisons & Societez es lieux pro-  
chains desdits Infideles, ainsi qu'anciennement  
a esté fait des Cheualiers de Rhodes qui ont esté  
mis sur les frontieres de la Chrestienté, non au  
milieu d'icelle, aussi y auroit-il beaucoup de  
temps perdu & consommé, d'aller de Paris ius-  
ques à Constantinople & autres lieux de Tur-  
quie.

CONCLVSIO  
FACULTATIS THEOLOGICÆ

Parisiensis facta in Comitij ordinarijs,  
celebratis die 1. Decembris

M. D. L I V.

*A*Nno Domini 1554. die verò primâ Decem-  
bris, sacratissima Theologia facultas Pari-  
siensis post Missam de sancto Spiritu in æde sacra  
Collegij Sorbonæ ex more celebratam, iam quartò  
in eodem collegio per iuramentum congregata est ad  
determinandum de duobus diplomatibus, quæ duo  
sanctissimi domini summi Pontifices Paulus ter-  
tius & Iulius tertius, his qui societatis IESV nomi-  
ne insigniri cupiunt, concessisse dicuntur, quæ quidem



duo diplomata Senatus Parisiensis, seu Curia Parliamenti Parisiensis, dictæ Facultati visitanda & examinanda misso ad eam rem hostiario commiserat, quorum tenor sequitur; & primo,

Sequitur tenor Bullæ sanctissimi Domini nostri Papæ Pauli III.

Post, tenor Bullæ sanctissimi Domini nostri Papæ Iulij III.

Antequam verò ipsa Theologiæ facultas tanta de re tantique ponderis tractare inciperet, omnes & singuli Magistri nostri palàm apertoque ore professi sunt nihil se aduersus summorum Pontificum auctoritatem & potestatem, aut decernere, aut moliri, aut etiam cogitare velle, imò verò omnes & singuli ut obedientiæ filij, ipsum Romanum pontificem ut summum & Christi Iesu Vicarium, & uniuersalem Ecclesiæ pastorem, cui plenitudo potestatis à Christo data sit, cui omnes utriusque sexus obedire, cuius decreta venerari, & pro se quisque tueri & obseruare teneantur, ut semper agnouerunt & confessi sunt, ita nunc quoque sincerè, fideliter & libenter agnoscunt & confitentur; sed quoniam omnes, præsertim verò Theologos paratos esse oportet ad satisfactionem omni poscenti de his quæ ad fidem, mores & educationem Ecclesiæ pertinent, dicta Facultas poscenti, mandanti & exigenti Curia prædicta satisfaciendum duxit.

Itaque utriusque diplomatis omnibus frequenter lectis articulis, repetitis, & intellectis, & pro rei magnitudine per multos menses, dies, & horas,



pro more diligentissimè discussis & examinatis, tum demùm vnanimi consensu, sed summa cum reuerentia & humilitate rem integram correctioni Sedis Apostolicæ relinquens ita censuit.

Hæc noua societas insolitam nominis IESV appellationem peculiariter sibi vendicans, tam libenter & sine delectu quaslibet personas, quantumlibet facinorosas, illegitimas & infames admittens, nullam à secularibus sacerdotibus habens differentiam in habitu exteriori, in tonsura, in horis Canonicis priuatim dicendis, aut publicè in Templo decantandis, in claustris, & silentio, in delectu ciborum & dierum, in ieiunijs, & alijs varijs legibus ac ceremonijs, quibus status Religionum distinguuntur, & conseruantur: tam multis tamque varijs priuilegijs, indultis, & libertatibus donata, præsertim in administratione sacramenti Pœnitentiæ & Eucharistiæ, idque sine discrimine locorum aut personarum, in officio etiam prædicandi, legendi, & docendi, in præiudicium Ordinariorum & Hierarchici ordinis, in præiudicium quoque aliarum Religionum imò etiam Principum & dominorum temporalium, contra priuilegia Vniuersitatum, denique in magnum Populi grauamen, Religionis monastica honestatem violare videtur, studiosum, pium, & pernecessarium virtutum, abstinentiarum, ceremoniarum, & austeritatis eneruat exercitium, imò occasionem dat liberè apostatandi ab alijs Religionibus, debitam Ordinarijs obedientiam & subiectionem subtrahit, Dominos tam temporales quàm Ec-



*clesiasticos suis iuribus injustè priuat , perturbationem in utraque Politia , multas in populo querelas , multas lites , diffidia , contentiones , æmulationes , variâque schismata inducit. Itaque his omnibus atque alijs diligenter examinatis & perpensis, hæc Societas videtur in negotio fidei periculosa , pacis Ecclesiæ perturbatiua , Monasticæ Religionis euersiuâ , & magis in destructionem quàm in ædificationem.*

*Conclusion de la Faculté de Theologie de Paris.*

*Du 1. Decembre M. D. LIIII.*

*Sur l'Institution des Iesuites.*

**L'**An de nostre Seigneur 1554. le 1. iour de Decembre, la tres-sacrée Faculté de Theologie de Paris, apres la Messè du Saint Esprit celebrée comme il est de coustume, dans la Chappelle du College de Sorbonne, a esté par quatre diuerses fois assemblée audit College, en vertu du serment, pour determiner sur le sujet des deux Bulles que les deux tres-saincts Peres & souuerains Pontifes Paul III. & Iules III. ont (à ce qu'on dit) accordées à ceux qui veulent estre signalez du nom de Compagnie de *Iesus*, lesquelles deux Bulles nosseigneurs de Parlement ont enuoyées à ladite Faculté, pour estre par elles veuës & examinées, desquelles Bulles la teneur ensuit,

*Bulle de Paul III. &c.*

*Bulle de Iules III. &c.*



Or auparauant que la Faculté de Theologie commençast à traiter de choses si grandes & de tel poids, tous & chacuns les Maistres & Docteurs ont déclaré haut & clair qu'ils n'entendoient rien arrester ou attenter, ny mesmes penser contre l'autorité & puissance des souverains Pontifes, au contraire, comme ils l'ont tousiours reconnu & confessé pour Vicaire souverain & vniuersel de Iesus Christ, & pour Pasteur vniuersel de l'Eglise, à qui Iesus Christ a donné plénitude de puissance, auquel tous fideles sont tenus d'obeyr & reuerer ses Decrets, les garder & observer à leur pouuoir, ainsi maintenant tous & chacuns le recognoissent & confessent - ils sincerement, fidelement & volontiers. Mais dautant qu'il faut que tous & principalement les Theologiens, soient prests à rendre raison à quiconque les requerra des choses qui concernent la foy, les mœurs & edification de l'Eglise, ladite Faculté a estimé qu'elle deuoit satisfaire au desir, mandement & ordonnance de ladite Cour.

C'est pourquoy ayans par plusieurs fois leu, releu, & entendu tous les articles desdites deux Bulles, & les ayans selon la grandeur de la chose, diligemment comme de coustume, examinées *par plusieurs mois, iours & heures*, Enfin d'un commun aduis & consentement, mais avec vne tres-grande reuerence & humilité, sousmettant le tout à la correction du S. Siege Apostolique, la Faculté a ainsi decreté:

Cette



Cette *Noûvelle Societé* qui s'attribuë particulièrement le tiltre inusité du nom de Iesus, qui reçoit indifferemment & si licentieusement toutes sortes de personnes, quelques meschantes, illegitimes, & infames quelles soient, ne differant en aucune façon des Prestres seculiers, en habit exterieur, en la tonsure, à reciter les heures Canoniales, soit en particulier, soit publiquement en l'Eglise, ny en closture ou silence, en observation & choix de viandes, & des iours, & autres diuerses loix & ceremonies, par lesquelles l'estat des Religions est distingué & conserué: à laquelle ont esté données tant & si diuers priuileges, indults & libertez, principalement en ce qui concerne l'administration des Sacremens de la Penitence & de l'Eucharistie, & ce sans aucun égard & difference des lieux ou des personnes. Pareillement à la fonction de prescher, lire, & enseigner, *au prejudice des Ordinaires, & de l'ordre Hierarchique*: aussi au prejudice des autres Religions, voire mesme des Princes & Seigneurs temporels, contre les priuileges des Vniuersitez; En fin à la grande oppression & foule du peuple; semble violer l'honneur de la Religion Monastique, enerue l'exercice pœnible, honeste, pieux & tres-necessaire des vertus, des abstinences, des ceremonies, des austeritez; Mais dauantage, donne occasion de librement sortir, & se faire Apostat des autres Religions, oste & soustrait l'obeissance & subiection deuë aux *Ordinaires*, priue inuste-



ment les Seigneurs, tant temporels qu'Ecclesiastiques de leurs droicts, apporte du trouble en l'une & l'autre police, plusieurs dissensions, & plaintes parmy le peuple, *plusieurs procez, débats, contentions, jalousies & diuers Schismes.*

Partant toutes ces choses & autres estans diligemment examinées & considérées, ceste Societé semble perilleuse au fait de la Foy, perturbatrice de la paix de l'Eglise, & tendre à renuerfer la Religion Monastique, & plus propre à destruire qu'à edifier.

### CONCLUSIONS DE MESSIEURS

*les gens du Roy, contenant la declaration faite par les Iesuites, qu'ils n'entendent par leurs priuileges preiudicier aux Concordats & tous droicts Episcopaux, avec les lettres du Roy & la Reyne Mere, contenant la mesme declaration.*

#### *Extraict des Registres du Parlement.*

**C**E iour les gens du Roy par Maistre Baptiste du Mesnil, Aduocat dudit Seigneur, assisté de Maistre Emond Boucherat Aduocat d'iceluy Seigneur, ont présenté à la Cour les lettres missiues du Roy & de la Reyne Mere, cy apres inferées pour le fait de la verification, tant des Lettres patentes du feu Roy, que des lettres du Roy à present regnant, concernant l'omologation & approbation des Bulles, priuileges, in-



stitution de l'Ordre & Religion de la compagnie de I E S V S, qui ont dit quant à eux, *attendu la Declaration faite par les Religieux, Prestres, & Escoliers dudit Ordre, qu'ils n'entendent par leurs priuileges preiudicier aux Loix Royalles, libertez de l'Eglise, Concordats faits entre nostre saint Pere le Pape, le saint Siege, & ledit Seigneur Roy, ne contre tous droicts Episcopaux & Parochiaux, ne semblablement contre les Chapitres ne autres Dignitez, consentent l'approbation desdits priuileges, sauf, où cy-apres ils se trouueront domageables ou preiudiciables aux droicts du Roy, & priuileges Ecclesiastiques, à requerir y estre pourueu.*

#### DE PAR LE ROY.

**N**Os Amez & feaux, Ayans entendu les difficultez que vous faites de ne proceder à la verification des lettres patentes du feu Roy nostre tres-honoré Seigneur & Pere, que Dieu absolue, & des nostres, contenans l'omologation & approbation des Bulles, priuileges, & institutions de l'Ordre & Religion de la Compagnie de I E S V S, que nous entendons estre receüe & approuuée en ce Royaume: Et semblablement ce que nostre amé & feal l'Euesque de Paris & les Docteurs de la Sorbonne alleguent, pour empêcher la publication desdites Bulles que nous auons fait voir à nostre Conseil priué, & esquelles n'est aucune chose contraire ny preiudiciable aux



saincts decretz, & concordats faits entre nostre  
 saint Pere, le saint Siege Apostolique, & nous :  
*Et apres que les Religieux, Prestres & Escoliers de*  
*ladite Compagnie ont declaré, qu'en la reception de*  
*leur ordre & religion qu'ils poursuiuent estre fai-*  
*te en ce Royaume, ils consentent que ce soit à la*  
*charge que leurs priuileges obtenus du saint Siege*  
*Apostolique, & leurs regles & statuts de ladite*  
*Compagnie, ne soient aucunement contre les loix*  
*Royales & de nostre Royaume, ne contre l'Eglise*  
*Gallicane, ne aux concordats faits entre nostre*  
*saint pere le Pape, le saint Siege Apostolique, &*  
*nous, ne contre tous droicts Episcopaux & Paro-*  
*chiaux, ne semblablement contre les Chapitres*  
*des Eglises, soient Cathedrales ou Collegiales, ny*  
*aux dignitez d'icelles ; mais seulement deman-*  
*dent estre receuës en France comme Religion ap-*  
*prouuée avec la susdite limitation & restriction :*  
 Nous desirans singulierement ledit ordre & Re-  
 ligion estre receu & approuué, comme dit est,  
 vous mandons commandons & tres - expresse-  
 ment enjoignons, que sans plus y vser d'aucune  
 longueur, remise ou difficulté, vous aiez à proce-  
 der à la verification & enterinement de nosdites  
 lettres, & homologation desdites Bulles, à la char-  
 ge de la restriction & limitation dessusdite, & en cas  
 que vous continuassiez en vos difficultez en cet  
 endroit : Nous vous mandons que sans proceder  
 là dessus à aucun Arrest ou iugement, vous nous  
 mandiez l'occasion d'icelles vos difficultez, pour



estre sur ce par nous pourueu, ainsi que de raison, si n'y vueillez faire faute : CAR tel est nostre plaisir. DONNE' à Orleans le dernier iour d'Octobre 1560. Ainsi signé FRANÇOIS, & dessous ROBERT ET. Et à la suscription desdites lettres est escrit : A nos amez & feaux les Gens de nostre Cour de Parlement à Paris.

**M**ESSIEURS, Vous verrez ce que le Roy Monsieur mon Fils vous escrit presentement sur les difficultez par vous faites, de proceder à la verification, tant des Lettres patentes du feu Roy Monseigneur que Dieu absolue que des siennes, contenant l'omologation & approbation des Bulles, priuileges, & institution de l'Ordre & Religion de la Compagnie de Iesus, qu'il desire estre receuë & approuuée en ce Royaume, ayant fait voir en son Conseil priué ce que l'Euesque de Paris & les Docteurs de Sorbonne alleguent, pour empescher la publication des Bulles, & *attendu ce que les Religieux, Prestres & Escoliers de ladite Compagnie ont déclaré* qu'en la reception de leur Ordre & Religion qu'ils poursuiuent estre faite en ce Royaume, ils *consentent* que ce soit à la charge que leurs priuileges obtenus du saint Siege Apostolique, & la regle & statuts de ladite Compagnie, ne soient aucunement contre les Loix Royales de cedit Royaume, avec autres restrictions & limitations à plain spécifiées esdites Lettres du Roy mondit Seigneur &



Fils , fuiuant lesquelles & son vouloir & intention en cét endroit , le vous prie proceder à ladite verification & enterinement desdites lettres patentes & omologation des Bulles , sans plus y vser d'aucune difficulté , laquelle audit cas vous luy ferez entendre , auant que proceder à aucun Arrest & Iugement d'icelle , afin que sur ce il soit par luy pourueu comme il verra estre à faire par raison , Priant à tant le Createur , Messieurs , qu'il vous ait en sa sainte & digne garde. Escrit à Orleans , le 8. de Nouembre, 1560.

Signé , CATHERINE , & au dessous, FISES, & à la superscription : A Messieurs de la Cour de de Parlement de Paris. Fait en Parlement le 18. iour de Nouembre 1560.

*Acte de reception & approbation de la société des Iesuites en France , par les Euesques assemblez à Poissy, à la charge entr'autres choses, que l'Euesque Diocesain aura toute superintendance, iurisdiction & correction sur ladite société.*

**S**Ur la requeste presentée par les eux disans freres de la société du nom de Iesus, par laquelle & pour les causes y contenuës , mesmement que par Arrest de la Cour de Parlement de Paris, du 22. iour de Feurier dernier , auroit esté ordonné qu'ils se pouruoiroient, si bon leur sembloit, au Concile general ou assemblée prochaine , qui se feroit en l'Eglise sur l'approbation de leur ordre, Ils requeroient leurdite compagnie estre receüe &



*approuuée par l'Eglise Gallicane.* Autres deux re-  
 questes presentées aussi par les Consuls, manans,  
 & habitans de la ville de Billon en Auuergne, &  
 par les executeurs du testament de feu Messire  
 Guillaume du Prat, en son viuant Euesque de  
 Clermont, à mesme fin. Veu ledit Arrest du  
 22. Feurier 1560. les Bulles du deffunct Pape  
 Paul III. dattées *Romæ apud sanctum Marcum an-*  
*no Incarnationis Domini 1540. 8. Kal. Octob. Pon-*  
*tificatus anno sexto*, par lesquelles nostre saint  
 pere le Pape auroit approuué ladite societé, as-  
 semblée sous le titre du nom de IESVS, à la char-  
 ge qu'en icelle societé ne pourroient entrer plus de  
 soixante personnes. Autres Bulles dudit Pape Paul  
 III. aussi dattées, *Dat. Romæ apud sanctum Pe-*  
*trum anno 1543. die Id. Martij Pontificatus anno*  
*decimo*, portant pouuoir ausdits freres receuoir  
 en leur compagnie, tel nombre de personnes  
 que bon leur sembleroit, changer & alterer  
 leurs constitutions, icelles casser & en refaire  
 de nouuelles, selon qu'ils verront bon estre,  
 & que la necessité le requerra, sans que pour ce  
 leur soit besoin de nouuelle confirmation & ap-  
 probation. Autres Bulles du mesme Pape Paul  
 III. *Dat. Romæ apud sanctum Marcum 1549.*  
*Kalend. Nouembris Pontificatus anno 15.* conte-  
 nans plusieurs priuileges concedez & octroyez  
 à ladite societé: Et certaines autres Bules du Pape  
 Iules III. *Dat. Romæ apud sanctum Petrum 1550.*  
*12. Kal. Augusti Pontificatus anno 1.* par lesquelles



il auroit aussi approuvé ladite société, avec leur  
 requeste & privilèges. Les Lettres patentes du  
 défunct Roy Henry, dattées à Blois en Januier  
 1550. signées par le Roy, Monsieur le Cardinal  
 de Lorraine present, clauses & scellées du grand  
 sceel sur cire verte, pendant à cordons de soye  
 verte & rouge, par lesquelles le Roy auroit agréé  
 & approuvé lescdites Bulles, & permis ausdits  
 freres qu'ils puissent construire edifier & faire  
 bastir des biens qui leur seront aumosnez, vne  
 maison & College en la ville de Paris seulement,  
 & non en autres villes, pour y viure selon leurs  
 regles & statuts; & mande à ses Cours de Parle-  
 mens de verifier lescdites Lettres, & faire & souf-  
 frir jouir lescdits freres de leursdits Privileges. Ar-  
 rest de ladite Cour de Parlement du 3. Aoust 1554.  
 par lequel ladite Cour auroit ordonné que lescdi-  
 tes Bulles & Lettres seroient communiquées à  
 l'Euesque de Paris, & à la faculté de Theologie  
 de l'Vniuersité dudit Paris, pour sur icelles estre  
 ouïs, & dire ce qu'il appartiendrait. Les conclu-  
 sions de ladite faculté de Theologie en forme  
 d'aduis, du 1. iour de Decembre 1554. Autre  
 Lettres patentes du Roy II. du 25. Aueil 1560. si-  
 gnées, Par le Roy en son Conseil, DE L'AVBES-  
 PINE, Par lesquelles le Roy apres auoir fait voir  
 en son priué Conseil, les Remonstrances de la-  
 dite faculté de Theologie, & entendu que ladite  
 Compagnie auoit esté receuë és Royaumes d'Es-  
 pagne, Portugal, & en plusieurs autres païs, &  
 qu'en



qu'en icelle société pourroient estre nourris personages qui prescheront, instruiront & edifieront le peuple, tant en ladite ville de Paris que ailleurs, Mande à ladite Cour de proceder à l'omologation & verification desdites Bulles & Lettres, nonobstant les remonstrances faites par ladite faculté de Theologie & autres remonstrances faites à ladite Cour par l'Euesque de Paris.

*Certaine supplication & requeste faite par les Prestres & escoliers de ladite compagnie de I E S V S, par laquelle ils supplient tres-humblement la Majesté du Roy, que leur ordre & Religion soit receuë à Paris, & par le Royaume de France, à la charge que leur priuilege obtenu du saint Siege Apostolique, & leurs statuts & regles de ladite compagnie, ne soient aucunement contre les loix Royales, contre l'Eglise Gallicane, ne contre les concordats faits entre nostre saint pere le Pape, & le saint Siege Apostolique, d'une part; & la Majesté du Roy & le Royaume, d'autre; ne contre tous droicts Episcopaux, ne parochiaux, ne pareillement contre les Chapitres des Eglises, soit Cathedrales, Collegiales, ny aux dignitez d'icelles: Mais seulement qu'ils soient receus comme Religion approuuée avec la susdite limitation & restriction.* Consentement de l'Euesque de Paris à l'omologation & verification desdites Lettres & Bulles; à la charge que lesdits freres ne pourront exercer aucune iurisdiction Episcopale, prescher & annoncer la parole de Dieu sans la permission &



consentement de leur Euesque, Qu'au cas qu'ils soient pourueus d'aucuns benefices Ecclesiastiques, mesmement curez, il respondront pour raison de leurs charges deuant leursdits Euesques sans aucune exception: Qu'ils *seront visitez par leursdits Euesques*, Qu'ils ne pourront administrer aucuns Sacremens, mesme de Confession, & Eucharistie, sans le congé exprés des Curez de ceux auxquels ils voudront administrer lesdits Sacremens; Qu'ils ne feront aucun prejudice ausdits Curez, tant en spirituel qu'en temporel, soit pour les oblations, droicts de sepulture, & autres semblables qu'ils feront en leurs Eglises & Chappelles. Qu'ils ne pourront lire & interpreter la sainte Escriture publiquement ny en particulier, sans qu'ils soient approuuez par la faculté de Theologie des Vniuersitez fameuses, le tout sans prejudice des autres ordres & Religions, à ce qu'ils ne puissent attirer à eux & receuoir en leur compagnie les Religieux profez desdits ordres. *Addition faite par ledit Euesque aux restrictions susdites; à sçauoir, Que lesdits freres, soient recens par forme de société & de compagnie seulement, & non de religion nouvelle*, lesquels seront tenus prendre autre nom que de I E S V S ou Iesuites, Qu'ils ne pourront faire aucunes constitutions nouuelles, changer ne alterer celles qu'ils ont ja faites, lesquelles seront soubsignées des Secretaires de l'assemblée, *ne in posterum*, mesmes à ceux qu'ils pretendent leur auoir esté concedées par la Bulle



du Pape Paul III. en datte du 15. des Kal. Nou.  
1549. en ce qu'ils feroient contraires aux restri-  
ctions susdictes, & eux conformer ores & pour  
l'aduenir à la disposition du droict commun: Le  
tout sans preiudice des droicts de rentes, cen-  
sues, prestations annuelles, & tous autres droicts  
des seigneurs temporels; *Tout vev & dili-*  
*gemment consideré, le nom de Dieu premierement*  
*& auant tout œuure inuoué,* par protestation de  
tout honneur & obeïssance au saint Siege Apo-  
stolique & à la Majesté du Roy.

L'Assemblée suiuant le renuoy de ladite Cour  
de Parlement de Paris, a receu & reçoit, approuué  
& approuue ladite société & compagnie, *par for-*  
*me de société & College, & non de Religion nou-*  
*uellement instituée, à la charge* qu'ils seront tenus  
prendre autre titre que de société de Iesvs ou  
de Iesuites: *Et que sur icelledite société & Colle-*  
*ge l'Euesque diocesain aura toute superintendance,*  
*iurisdiction & correction, de chasser & oster de la-*  
*dite Compagnie les forsaicteurs & mal-viuans:*  
*N'entreprendront les freres d'icelle Compagnie, &*  
*ne feront en spirituel ne en temporel aucune cho-*  
*se au preiudice des Euesques, Chapitres, Curez,*  
*Paroisses & Vniuersitez, ne des autres Religions,*  
*ains seront tenus de se conformer entierement à la-*  
*dite disposition du droict commun, sans qu'ils ayent*  
*droict ne iurisdiction aucune, & renonçans au*  
*prealable & par expres, à tous priuileges portez*  
*par leurs Bulles aux choses susdites contraires, au-*



tremement à faute de ce faire, ou que pour l'aduenir ils en obtiennent d'autres, les presentes demeureront nulles & de nul effect & vertu, sauf le droict de ladite Assemblée, & l'autrui en toutes choses. *DONNE' en l'assemblée de l'Eglise Gallicane*, tenuë par commandement du Roy à Poissy, au grand refectoire des venerables Religieuses dudit Poissy. Les seing & sel du Reuerendissime Cardinal de Tournon, Archeuesque de Lion, Primat de France, President en ladite assemblée, comme premier Archeuesque de ladite Eglise Gallicane, & R. P. en Dieu Monsieur l'Euesque de Paris rapporteur dudit fait, sous les signes de maistre Nicolas Breton, & Guillaume Blanchy, Greffiers & Secretaires de ladite assemblée, le Lundy 15. iour de Septembre 1561.

**ARREST D'ENREGISTREMENT**

*dudit acte de reception & approbation aux mesmes charges, donné sur la Requête & à la poursuite des Iesuites.*

*Extraict des Registres de Parlement.*

**V**Eu par la Cour l'Arrest donné en icelle le 22. iour de Feurier 1560. sur les Lettres patentes du Roy, octroyées aux Religieux, Prestres & Escoliers de la Compagnie & Société de Iesus, dattées du 23. iour de Decembre audit an 1560. par lequel ladite Cour auroit ordonné que lesdits Prestres & Escoliers se pourueiroient au



Concile general ou Assemblée prochaine qui se feroit en l'Eglise Gallicane sur l'approbation de leurdit Ordre sans prejudicier à la fondation des Colleges instituez par le feu Euesque de Clermont, & legs par luy faits pour entretenir lesdits pauvres Escoliers à l'estude, tant de Villebon, Mauriac que de cette Ville: Autre Arrest du 18. Novembre audit an, 1560. contenant la declaration faite par eux, qu'ils n'entendoient par leurs priuileges prejudicier au Loix Royalles, Libertez de l'Eglise, Concordats faits entre nostre saint Pere le Pape, le saint Siege Apostolique, & ledit Seigneur Roy, ne contre les droicts Episcopaux, Parochiaux, ne contre les Chapitres, ne autres dignitez; L'Acte d'approbation, & reception desdits Prestres & Escolliers, faite en l'Assemblée du Clergé & Concile National, tenuë à Poissy du Lundy 15. iour de Septembre dernier, par lequel suiuant ledit renuoy d'icelle Cour, ladite Assemblée auroit receu & approuué ladite Societé & Compagnie par forme de College, & non de Religion nouvellement instituée, à la charge qu'ils seroient tenus prendre autre tiltre que de Societé de IESVS ou de Iesuites, & autres conditions cy-deuant declarées, La Requeste par eux présentée à ladite Cour le 14. Ianuier dernier, pour enregistrer leur dite reception, Les conclusions du Procureur General du Roy qui ne l'auroit voulu empescher, & tout considéré, LADITE COUR a ordonné & ordonne que ledit acte de reception



& approbation faite audit Concile & Assemblée tenue à Poissy, sera registrée au Greffe d'icelle Cour, par forme de Société & College, qui sera nommé le College de Clermont, & aux charges & conditions contenuës en leurdite declaration & lettres d'approbation susdite, c'est à sçauoir, Que l'Euesque Diocesain aura toute superintendance, iurisdiction & correction sur ladite Société & college: ne feront les Freres d'iceluy en spirituel ne temporel aucune chose au preiudice des Euesques, Chapitres, Curez, Paroisses, & Vniuersitez, ne des autres Religieux, ains seront tenus de se conformer entierement à la disposition du droit commun. Et outre, a icelle Cour ordonné & ordonne, que deliurance leur sera faite par les executeurs du testament dudit feu Euesque de Clermont des biens, tant rentes que deniers à eux leguez, & lesquelles rentes où elles seroient rachetées ils seront tenus remployer en pareil reuenü au profit desdits College & Escoliers. Fait en Parlement, le 13. de Feurier 1561. Et au bas est escrit. Collation.

*Edict de reſtabliſſement des Ieſuites, aux charges entr'autres, de n'entreprendre ne faire aucune choſe, tant au ſpirituel qu'au temporel au preiudice des Eueſques, & de ſe conformer au droit commun.*

**H**ENRY par la grace de Dieu Roy de France & de Nauarre: A tous preſens & aduenir, Salut: Sçauoir faiſons, que deſirans ſatisfaire



à la priere qui nous a esté faite par nostre saint pere le Pape pour le reſtabliſſement des Ieſuites en cettuy noſtre Royaume, & pour aucunes autres bonnes & grandes conſiderations à ce nous mouuans, Nous auons accordé & accordons par ces preſentes pour ce ſignées de noſtre main, & de noſtre grace ſpeciale & autorité Royale à toute la Societé & compagnie deſdits Ieſuites, qu'ils puiſſent & leur ſoit loiſible de demeurer & reſider éſ lieux où ils ſe trouuent à preſent eſtablis en noſtredit Royaume, à ſçauoir, éſ villes de Thoulouze, Auch, Agen, Rodez, Bourdeaux, Perigueus, Limoges, Tournon, le Puy, Aubenas, & Beziers, & outre leſdicts lieux, Nous leur auons en faueur de ſa Saincteté & pour la ſinguliere affection que nous luy portons encores accordé & permis de ſe remettre & eſtablir en nos villes de Lyon, Dijon, & particulièrement de ſe loger en noſtre maiſon de la Fleſche en Anjou, pour y continuer & eſtablir leurs Colleges & reſidence *aux charges toutesfois & conditions qui ſ'enſuiuent.*

Premierement, Qu'ils ne pourront dreſſer aucun College ny reſidence en d'autres Villes ny endroits de cettuy noſtredit Royaume, pays, terres, & Seigneuries de noſtre obeïſſance, ſans noſtre expreſſe permiſſion, ſur peine d'eſtre deſcheus du contenu en cette noſtre particuliere grace.

Que tous ceux de ladite Societé des Ieſuites, eſtans en noſtredit Royaume, enſemble leurs Recteurs & Prouiſeurs ſeront naturels François,



sans qu'aucun estrangier puisse estre admis ny auoir lieu en leurs Colleges & residences sans nostredite permission. Et si aucuns y en a à present, seront tenus dans trois mois apres la publication de ces presentes, se retirer en leur pais, declarant toutesfois que nous n'entendons comprendre en ce mot d'estrangier les habitans de la ville & Comté d'Auignon.

Que ceux de ladicte Societé auront ordinairement prés de nous vn d'entr'eux qui sera François, suffisamment authorisé parmy eux, pour nous seruir de Predicateur, & nous respondre des actions de leurs Compagnies aux occasions qui s'en presenteront.

Que tous ceux qui sont à present en nostredit Royaume, & qui seront cy-apres receus en ladite societé feront serment pardeuant nos Officiers des lieux, de ne rien faire ny entreprendre contre nostre seruice, la paix publique & repos de nostre Royaume sans aucune exception ny reservation, dont nosdits Officiers enuoyeront les actes & procez verbaux és mains de nostre trescher & feal Chancelier. Et où aucuns d'iceux, tant de ceux qui sont à present, que de ceux qui suruiendront, seroient refusans de faire ledit serment, seront contrainsts de sortir hors nostredit Royaume.

Que cy-apres tous ceux de ladite Societé, tant ceux qui ont fait les simples vœux seulement, que les autres ne pourront acquerir dans nostredit  
Royaume



Royaume aucuns biens immeubles par achapt, donation, ou autrement, sans nostre permission. Ne pourront aussi ceux de ladite Societé prendre ny recevoir aucune succession, soit directe ou collaterale, non plus que les autres Religieux. Et neantmoins au cas que cy-apres ils fussent licentiez & congediez par ladite Compagnie, pourront r'entrer en leurs droicts comme auparauant.

Ne pourront ceux de ladite Societé prendre ny recevoir aucuns biens immeubles de ceux qui entreront d'oresnauant en leurs Societez, ains seront reseruez à leurs heritiers ou à ceux en faueur desquels ils en auront disposé auant que d'y entrer.

Seront aussi ceux de ladite Societé sujets en tout & par tout aux loix de nostre Royaume, & iusticiables de nos Officiers, au cas, & ainsi que les autres Ecclesiastiques & Religieux sont sujets.

*Ne pourront aussi ceux de ladite Compagnie ou Societé, entreprendre ne faire aucune chose, tant au spirituel qu'au temporel, au prejudice des Euesques, Chapitres, Curez & Vniuersitez de nostre Royaume, ny des autres Religieux, ains se conformeront au droit commun.*

Ne pourront pareillement prescher, administrer les saints Sacremens, ny mesme celuy de la Confession à autres personnes qu'à ceux qui seront de leur Societé, si ce n'est par la permission des Euesques Diocesains des Parlemens, ausquels ils sont establis par le present Edict, sçauoir est



de Thoulouze, Bourdeaux, & Dijon, sans toutesfois que ladite permission se puisse entendre pour le Parlement de Paris, fors & excepté és Villes de Lyon & la Flesche, ausquelles il leur est permis de resider & exercer leurs fonctions comme és autres lieux qui leur sont accordez. Et afin que ceux de ladite Societé qui sont à present re-stablis, ayent moyen de se pouuoir entretenir & viure en leurs Colleges & residences, nous leur auons permis & permettons de jouïr de leurs rentes & fondations presentes & passées. Et au cas que sur icelles eussent esté faites aucunes saisies, pleine & entiere main-leuée leur en sera faite.

Si donnons en mandement à nos amez & feaux Conseillers les Gens tenans nostre Cour de Parlement de Paris, que ces presentes ils verifient, fassent lire, publier & enregistrer, & du contenu en icelles jouïr & vser pleinement & paisiblement, ladite Compagnie & Societé des Iesuites, cessant & faisant cesser tous troubles & empeschemens, au contraire. Car tel est nostre plaisir. Et afin que ce soit chose ferme, & stable à tous-jours, nous auons fait mettre nostre seal à cefdites presentes, sauf en autres choses nostre droict, & l'autrui en toutes. Donné à Roüen, au mois de Septembre, l'an de grace 1603. & de nostre Regne le 15. Signé, HENRY. Et plus bas, Par le Roy, R V Z E'. Et à costé, V I S A.

Et scellées sur lacs de foye rouge & verte, sur cire verte du grand seal.



*Remonstrances de la Cour de Parlement de Paris,  
sur le reſtaſſement des Ieſuites, faites par  
monſieur le premier Preſident de Harlay, le 24.  
Decembre 1603. la Royne preſente: Avec l'Ar-  
reſt de verification apres leſdites remonſtrances.*

**S**I R E, Voſtre Cour de Parlement ayant delibéré ſur vos Lettres patentes du reſtaſſement des Preſtres & eſcoliers du College de Clermont en aucuns lieux de ſon reſſort, prenans le nom de Ieſuites, a ordonné que tres-humbles remonſtrances ſeroient faites à voſtre Majeſté, & nous a chargé vous repreſenter quelques poincts, que nous auons iugé importer au bien de vos affaires, & au ſalut public, qui dépend de voſtre conſeruation, leſquels nous ont retenu de proceder à la verification.

Et auant que les particulariſer, vous rendre graces tres-humbles de l'honneur qu'il vous a plu nous faire, d'auoir agreable que ces remonſtrances vous ſoient faites de viue voix, faiſant paroître voſtre indulgence & benignité enuers nous, d'autant plus digne de loüange, qu'elle eſt eſloignée de l'aſterité des premiers Empereurs Romains, qui ne donnoient point d'accez à leurs ſubjets vers eux; mais vouloient que toutes demandes & ſupplications leur fuſſent preſentées par eſcrit.

L'eſtaſſement de ceux de cet ordre, ſoy diſans Ieſuites, en ce Royaume, fut iugé ſi pern-



cieux à cét estat, que tous les ordres Ecclesiastiques s'opposèrent à leur reception, & le decret de la Sorbonne fut que cette Societé estoit introduite pour destruction & non pour edification, & depuis en l'assemblée du Clergé en Septembre 1561. où estoient les Archeuesques & Euesques, & y presidoit monsieur le Cardinal de Tournon elle fut approuuée; mais avec tant de clauses & restrictions, que s'ils eussent esté pressez de les obseruer, il est vray semblable qu'ils eussent bien-tost changé de demeure.

*Ils n'ont esté receus que par prouision :* Et par Arrest de l'an 1564. deffenses leur furent faites de prendre le nom de Iesuites, ny de societé de IESVS; nonobstant ce ils n'ont pas laissé de prendre ce nom illicite, & s'exempter de toutes puissances, tant seculieres qu'Ecclesiastiques. Les reestablis sans vous les autorisez dauantage, & rendez leur condition meilleure qu'elle ne fut oncques. Ce iugement fut d'autant plus digne de vostre Cour de Parlement, que vos Gens & tous les Ordres estimerent necessaire les retenir avec des cautions, pour empescher la licence deslors trop grande en leurs actions, & dont ils preuoyoient l'accroissement fort dommageable au public. La prediction est fort expresse au plaidoyé de vos Gens qui ne leur assistoient pas, qu'il estoit besoin d'y pouruoir, afin qu'il n'aduinst pis que ce qu'ils voyoient deslors.

Et comme le nom & le vœu de leur societé est



vniversel, aussi les propositions en leur doctrine sont vniformes, qu'ils ne reconnoissent pour Supérieur que nostre saint pere le Pape, auquel ils font serment de fidelité & d'obeissance en toutes choses, & tiennent pour maxime indubitable Qu'il a puissance d'excommunier les Rois, & qu'un Roy excommunié n'est qu'un Tyran: Que son peuple se peut esleuer contre luy: Que tous demeurans en leur Royaume, ayans quelque Ordre, pour petit qu'il soit, en l'Eglise, quelque crime qu'il commette ne peut estre iugé crime de leze-Majesté, parce qu'ils ne sont leurs sujets ne justiciables; tellement que tous Ecclesiastiques sont exempts de la puissance seculiere, & peuuent impunément jetter les mains sanglantes sur les personnes sacrées: C'est ce qu'ils escriuent, & impugnent l'opinion de ceux qui tiennent les propositions contraires.

Deux Docteurs en droit, Espagnols, ayans escrit que les Clercs estoient sujets à la puissance des Rois & des Princes, l'un des premiers de la société a escrit contre eux, disant entr'autres raisons, que comme les Leuites au vieil Testament estoient exempts de toute puissance seculiere, aussi les Clercs par le nouueau Testament estoient exempts de la mesme puissance, & que les Rois & les Monarques n'ont aucune iurisdiction sur eux.

Vostre Majesté n'approuuera pas ces maximes, elles sont trop fausses & trop erronnées, il faut



donc que ceux qui les tiennent & veulent demeurer en vostre Royaume, les abiurent publiquement en leurs Colleges; s'ils ne le font, permettez-vous qu'ils y demeurent? Ils veulent subvertir les fondemens de vostre puissance & autorité Royale; s'ils le font, croirez-vous qu'ils puissent auoir vne doctrine (faisant part de leur religion, bonne pour Rome & pour l'Espagne, & toute autre pour la France) qui rejette ce que les autres reçoient, & qu'allans & retournans d'un lieu à un autre, ils le puissent déposer & reprendre? S'ils disent le pouuoir faire par quelque dispense secrète, quelle assurance prendrez-vous en des ames nourries en vne profession, qui par la diuersité & changement de lieu se rend bonne & mauuaise?

Cette doctrine est commune à tous, en quelque lieu qu'ils soient, & prend tels progres en vostre Royaume, qu'elle se coulera enfin aux compagnies les plus retenuës.

Lors de leur establisement ils n'auoient point de plus grands aduersaires que la Sorbonne, à present elle leur est fauorable, parce qu'un monde de jeunes Theologiens ont fait leurs études en leurs Colleges, les autres Escoliers feront le semblable, s'aduanceront & pourront estre admis aux premieres charges dedans vos Parlemens, tenans la mesme doctrine, se soustrairont de vostre obeïssance, laissant perdre tous les droits de vostre Couronne, & libertez de l'Eglise



de France, & ne iugeront aucun crime de leze-Majesté punissable, commis par vn Ecclesiastique.

Nous auons esté si malheureux en nos iours, d'auoir veu les detestables effects de leurs instructions en vostre personne sacrée. Barriere (ie tremble, SIRE, prononçant ce mot) auoit esté instruit par Varade, & confessa auoir receu la Communion sur le serment fait entre ses mains de vous assassiner. Ayant failly son entreprise d'autres esleuerent le courage au petit serpent, qui acheua en partie ce qu'il auoit coniuuré.

Guignard auoit fait les liures escrits de sa main, soustenant le parricide du feu Roy iustement commis, & confirmant la proposition condamnée au Concile de Constance.

Que n'auons-nous point à craindre, nous souuenans de ces meschans & desloyaux actes qui se peuuent facilement renouueler?

S'il nous faut passer nos iours sous vne crainte perpetuelle de voir vostre vie au hazard, quel repos trouuerrons-nous aux vostres, seroit-ce par impieté preuoir le danger & le mal, & l'approcher si près de vous? Seroit-ce pas se plonger en vne profonde misere que desirer suruiure la ruine de cét Estat, lequel comme nous vous auons autresfois dit, n'en est esloigné que de la longueur de vostre vie.

Louange à Dieu, SIRE, de la mutuelle bienveillance entre vous & nostre saint Pere, Dieu



vous maintienne longuement en vostre Couronne, & luy au sainct Siege : Mais si l'aage ou indisposition retranschoit ses iours, & si son successeur mal-animé déployoit son glaive spirituel sur vous comme ses predecesseurs, sur les autres Roys de France & de Nauarre, quel regret à vos sujets de voir entre nous tant d'ennemis de cét Estat, & de conjurateurs contre Vostre Majesté ? comme contre celle du feu Roy d'heureuse memoire, ayans esté de son Regne les auteurs & principaux Ministres de la rebellion, & non innocens de son parricide.

Ils disent leurs fautes passées ne deuoir plus estre releuées, non plus que celles de tous les autres Ordres & Compagnies qui n'ont moins failly qu'eux. Il peut estre dit à leur preiudice qu'encores qu'il se trouue de la faute en tous les Ordres & toutes les Compagnies, toutesfois elle n'a pas esté vniuerselle.

Les Compagnies estoient diuerfes, tous ceux qui en font part ne se sont pas distraicts de l'obeissance deuë à Vostre Majesté. Mais ceux de leur Societé sont demeurez fort vnis & resserrez en leurs rebellions, & non seulement aucun ne vous a suiuy, mais eux seuls se sont rendus les plus partiaux pour les anciens ennemis de vostre Couronne, qui fussent en ce Royaume comme tels, Odo l'un de leur Societé fut choisi par les seize conjurez, pour leur Chef.

Et s'il nous est loisible entrejetter quelque chose



chose des affaires estrangeres dans les nostres, nous vous en dirons vne pitoyable qui se voit en l'histore de Portugal. Quand le Roy d'Espagne entreprit l'vsurpation de ce Royaume, tous les Ordres de Religieux furent fermes en la fidelité deuë à leur Roy; Eux seuls en furent deserteurs pour aduancer la domination d'Espagne, & furent cause de la mort de deux mil tant de Religieux qu'autres Ecclesiastiques, dont il y a eu Bulle d'Absolution. Leur doctrine & deportemens passez furent cause que lors que Chastel s'esleua contre vous, ensuiuit l'Arrest, tant contre luy que contre tous ceux de leur Societé, condamnez par vostre bouche: Arrest que nous auons consacré à la memoire du plus heureux miracle qui soit aduenue de nostre temps, jugeans dès lors que continuans d'instruire la ieunesse en cette meschante doctrine & damnable instruction, il n'y auroit point feureté pour vostre vie: ce qui nous fit passer pardessus les formalitez qui nous obligent de juger avec cognoissance de cause des instances reglées, qui furent postposées au salut public.

Nous n'auons hayne, enuie, ny mal-veillance contr'eux, generale ny particuliere; si nous en eussions eu, Dieu nous eust puny d'estre leurs juges, bien que l'atrocité du crime & l'affection que nous auons à la conseruation de vostre Majesté à l'aduenir, nous inuitast à donner cet Arrest, executé dedans les ressorts des Parlemens de



Roüen & de Dijon par vostre commandement, & l'eust esté par tout sans la resistance de ceux qui n'estoient pas encores bien affermis en vostre obeissance, & qui ne pouuoient se partir qu'avec trop de peine de leur mauuaise volonté.

Ils se plaignent par leurs escrits que toute la Compagnie ne deuoit pas porter la faute de trois ou quatre. Mais quand ils eussent esté reduits à la condition des freres Humiliez ils n'eussent point eu d'occasion de se plaindre. L'assassinat du Cardinal Borromée ayant esté machiné par vn seul Religieux de cét Ordre des freres Humiliez, y a enuiron trente ans, tout l'Ordre fut aboly par le Pape Pie V. suiuant la resolution de l'Assemblée des Cardinaux, quelque instance que le Roy d'Espagne fist, au contraire. Nostre jugement n'est pas si seuer; s'ils disent qu'il n'y a point de comparaison avec leur Ordre de l'Ordre des Humiliez, le leur estant beaucoup plus grand, nous leur dirons qu'il y a moins de comparaison d'un Cardinal avec le plus grand Roy du monde, plus haut esleué au dessus d'un Cardinal que leur Ordre au dessus du plus petit.

Que les Humiliez auoient moins failly qu'eux, car vn seul estoit autheur de l'assassinat d'un Cardinal, eux tous sont coupables de vostre parricide par le moyen de leur instruction.

Nous vous supplions tres-humblement que comme vous avez eu agreable l'Arrest iustement donné, & lors necessaire, pour destourner tant



de traistres de conspirer contre vous, aussi il vous plaist conseruer & vous redonner la souuenance du danger auquel nous fusmes lors, de voir perdre la vie à nostre Pere commun, la vie duquel nous est plus chere que la nostre, & penserions encourir ce honteux reproche d'infidelité & d'ingratitude, de n'en auoir point vn soin perpetuel, puisque vous nous avez rendu la nostre, nostre repos & nos biens. La memoire du passé nous doit seruir de precaution, pour donner ordre que ne demeurions, faute de preuoyance enseuelis dans l'abyssme d'un second naufrage. Nous ne pouuons obmettre quelque supplication particuliere d'auoir compassion de l'Vniuersité.

Les Roys vos predecesseurs ont eu soin de laisser cét ornement à vostre bonne ville de Paris, dont cette partie en peu de iours deserte, il ne se pourra faire que ne ressentiez de la douleur de voir vne quatriesme partie de la ville inhabitée de tant de familles de Libraires, & d'autres qui vivent avec les Escoliers reduicts à l'aumosne, pour gratifier vn petit nombre de nouueaux Docteurs, qui deuroient estudier, lire & enseigner, & seruir au public avec les autres, sans faire vn corps particulier, composé d'un Ordre & Religion nouuelle.

Nous scauons qu'elle a besoin d'estre reformée, mais la reformation ne sera point par sa ruine qui sera ineuitable; non par l'absence de ceux de la Société, mais par la multitude des Colleges que vous



permettez en diuerſes prouinces, leſquelles ayans la commodité près d'eux n'enuoyeront plus leurs enfans en cette ville, ce que vous iugerez de conſequence, conſiderant que ceux qui y ſont nourris, ſ'accouſtument en leur ieuneſſe à voir & reconnoiſtre les Rois, & les marques de ſouueraineté.

Ceux qui ſont eſleuez és petites villes ne receuront cette inſtruction, & n'auront le reſſentiment ſemblable, & en ce faiſant l'Vniuerſité autrefois ſi floriffante, ſera du tout ruinée par l'eſtabliſſement de dix ou douze Colleges, de ceux dont la ſociété ſera touſiours ſuſpecte à l'inſtruction de la ieuneſſe, & tres-dangereuſe.

Ce ſont les tres-humbles remonſtrances, & raiſons ſommaires, qui nous ont retenu de faire publier les lettres, craignans qu'il ne nous fuſt iuſtement reproché d'auoir trop facilement procédé à la verification.

Nous vous ſupplions tres-humblement les recevoir en bonne part, & nous faire cette grace quand vous nous commandez quelque choſe qui nous ſemble en nos conſciences ne deuoir s'exécuter, ne iuger de ſobeiſſance le deuoir que nous faiſons en nos Eſtats; d'autant que nous eſtimons que ne la voulez, ſinon d'autant qu'elle eſt iuſte & raiſonnable, & qu'ayant entendu les raiſons qui la peuuent declarer telle, ne ſerez offeñſé de n'auoir point eſté obey: au contraire qu'eſtant requis d'accomplir quelque promeſſe, vous aurez



plaisir de faire la response de ce Monarque, qui pressé d'accomplir la sienne faite en parole de Roy, dit la vouloir maintenir si elle estoit de iustice, & que sa parole ne l'obligerait point plus auant.

SIRE, Vous estes Roy & grand Roy, qui iugez mieux ce qui est iuste que tous vos subjets ensemble, vostre parole est la Iustice mesme : Mais, SIRE, nous estimons vous pouoir supplier nous permettre vous remontrer en toute humilité, que vos predecesseurs ont fait tousiours cet honneur aux Parlemens, comme les Empereurs au Senat, de regler les affaires de la Iustice par leur conseil, & combien qu'ils peussent vser de puissance absoluë, toutesfois ils l'ont tousiours despoüillée pour ce regard, & reduit leurs volonteiz à la ciuilité des loix.

Continuez-nous, SIRE, cette grace, & conservez l'autorité que les Rois vos predecesseurs ont donnée à vostre Cour de Parlement, qui en effect n'est point la sienne, mais la vostre, parce qu'elle ne dépend que de vous ; & quand elle l'aura perduë, pardonnez-nous, SIRE, disans que la perte ne tombera point sur elle, mais sur vous.

Nous prions Dieu de cœur & d'affection accroistre vos iours en tout heur & felicité, vous conseruer la Roine & Monsieur le Dauphin, & pour vous & pour vos subjets, & nous faire la grace de pouoir par la fidelité de nostre tres-hum-



ble seruice, vous faire paroistre que nous ne desirons plus grand heur, ne contentement plus honorable, que d'estre tenus de vous tels que nous sommes, Vos tres-humbles, & tres-obeïssans, & tres-fidelles subjets & seruiteurs.

*Registrées, ouïy le Procureur general du Roy apres  
tres-humbles remonstrances faites audit Seigneur.  
A Paris en Parlement le 2. iour de Ianuier l'an  
1604.*

*Signé, VOISIN.*

**L E T T R E S P A T E N T E S**  
pour l'establissement des Iesuites en la ville d'A-  
miens, aux charges & conditions expresses por-  
tées par l'Edict de leur reſtablissement de 1603.  
& non autrement.

**H**ENRY par la grace de Dieu Roy de France & de Nauarre: A tous ceux qui ces presentes Lettres verront, Salut. Par nostre Edict du mois de Septembre dernier, verifié en nostre Parlement de Paris, le deuxiesme Ianuier ensuiuant, nous auons pour le bien & instruction de la jeunesse à l'honneur de Dieu, & aux bonnes sciences & mœurs, & plusieurs autres grandes considerations, reſtably la Societé & compagnie des Iesuites és Colleges qu'ils auoient cy-deuant és villes spécifiées par ledit Edict, & de nouveau en estably vn en celle de la Fleche en Anjou, & considerant qu'en toute l'estenduë de nostre pais de Picardie, il n'y a aucun desdits Colleges, &



qu'il y est autant & plus necessaire qu'en nulle autre Prouince de nostre Royaume: A CES CAUSES, Nous, pour satisfaire à la tres-instante supplication & Requeste que nous en ont fait nos tres-chers & tres-amez Cousin & Cousine, les Comte & Comtesse de saint Paul, & nos chers & bien-amez les Nobles Bourgeois, manans, & habitans de nostre ville d'Amiens, Auons permis, & par ces presentes signées de nostre main, permettons à ladite Societé & Compagnie des Iesuites, de pouuoir establir vn College en ladite ville d'Amiens, Capitale de nostredite Prouince de Picardie, composé de tel nombre de personnes d'icelle Societé, qu'ils verront y estre necessaire pour le seruice diuin & instruction de la ieunesse aux bonnes lettres, tant d'humanité, Philosophie, que Theologie, aux Classes, regles & formes, dont ils ont accoustumé vser és Colleges qu'ils ont és autres villes de nostredit Royaume. Et pour cet effect de pouuoir accepter les fondations des biens meubles & immeubles qui leur seront faites par nosdits Cousin & Cousine, & lesdits Nobles Bourgeois, manans, & habitans en general & particulier, & autres pour ledit College: *Le tout neantmoins, sous les expresses charges & conditions portées par ledit Edict du mois de Septembre, & non autrement.* Et afin que lesdits habitans ayent moyen d'accommoder lesdits Iesuites, Nous voulons qu'ils puissent & leur soit loisible de bailler & de laisser tels lieux qu'ils verront estre



à propos pour ledit College : Et pour l'aggrandir, de prendre des maisons & jardins voisins , en payant les propriétaires du prix d'icelles de gré à gré. **SI DONNONS EN MANDEMENT :** A nos amez & feaux Conseillers les gens tenans nostre Cour de Parlement à Paris , Bailly dudit Amiens, & à tous nos autres Iusticiers & Officiers qu'il appartiendra, que ces presentes ils verifient, & fassent enregistrer , & du contenu en icelles jouir & vser lesdits habitans & Iesuites, sans souffrir qu'il y soit contrevenu en aucune maniere. **CAR** tel est nostre plaisir. Et afin que ce soit chose ferme & à tousiours stable, Nous auons fait mettre nostre seal à cesdictes presentes, sauf en autre chose nostre droit, & l'autrui en toutes. **Donné** à Paris au mois de Feurier, l'an de grace 1604. Et de nostre Regne le 15. Signé sous le reply, **HENRY**, Et sur le reply, Par le Roy, **Ryze**. Et sceellé du grand seal de cire verte en lacs de soye rouge & verte. Et à costé, **VISA**.

*Acte de reception des Iesuites en la ville d'Amiens, fait en l'Hostel Episcopal, contenant leurs offres de se conformer audit Edict de leur reſtabliſſement.*

**E**N l'Assemblée faite par Nous, Euesque d'Amiens, en nostre Hostel Episcopal, en laquelle se sont trouuez Monsieur le Comte de saint Paul, Gouverneur & Lieutenant General pour le Roy en la Prouince de Picardie, Monsieur de



de Treigneil, Gouverneur de cette ville d'Amiens, Messieurs du Chapitre d'Amiens, les Treasoriers de France en Picardie, les Officiers du Roy au Bailliage d'Amiens, & les Escheuins de ladite ville.

*Ont esté leus l'Edict fait par le Roy, pour le re-  
tablissement des Peres Iesuites, & les Lettres pa-  
tentes de sa Majesté, obtenuës à la supplication  
de mondit sieur le Comte & Madame la Com-  
tesse, pour l'establissement d'un College de Iesui-  
tes en cette ville; Ensemble les offres baillées par  
le pere Machault Iesuite, au nom de leur Société; par  
lesquelles (moyennant le reuenu qui leur est of-  
fert, qu'ils estiment trois mil trois cens liures) ils  
offrent se submittre & obliger, se conformans à l'E-  
dict du Roy, d'enseigner en cette ville la jeunesse  
en cinq classes d'humanité, y mettant vn com-  
pendium de Logique sur la fin de l'année, & les  
Ecoliers s'en trouuans capables ouuriront les  
classes de Philosophie, sous l'esperance que le re-  
uenu s'accroistra au dessus de quatre mil liures de  
rente. Et apres auoir ouïy en ladite assemblée ledit  
pere Machaut, sur plusieurs propositions, a esté  
trouué bon d'accepter les offres desdits Peres Ie-  
suites, à la charge qu'avec lesdites cinq classes  
d'humanité, ils en mettront aussi - tost vne de  
Theologie pour les cas de conscience, & arri-  
uant qu'ils soient fondez de trois cens liures de  
rente, au par dessus quatre mil liures, ils seront te-  
nus en l'instant enseigner le cours entier de la*



Philosophie, & pourront accepter en dons, legats, sous le bon plaisir du Roy, iusques à cinq mil liures pour la fondation de leur College, duquel reuenu ils iouïront tant qu'ils feront l'exercice en cette ville, sans le pouuoir transporter en autre College de leur Societé. FAIT à Amiens le premier iour d'Octobre 1607.

*Sentence d'enregistrement desdites Lettres  
patentes.*

**A**Tous ceux qui ces presentes Lettres verront, François del'Isle, Cheualier sieur de Treigneil, Mariuault, & autres lieux, Gentilhomme ordinaire de la Chambre du Roy, Gouverneur des Ville & Citadelle d'Amiens, & son Bailly d'Amiens, Salut. Sçauoir faisons, Que veu les Lettres patentes de sa Majesté, données à Paris au mois de Feurier 1604. signées, sous le reply H E N R Y, & sur le reply, Par le Roy, R v z É, & scellées de cire verte sur lacs de soye rouge & verte, obtenues par la societé & compagnie des Iesuites, Par lesquelles & pour les causes & considerations y contenuës, sa Majesté leur a permis de pouuoir establir vn College en cette ville d'Amiens, composé de tel nombre de personnes d'icelle societé qu'ils verront y estre nécessaire pour le seruice diuin, & instruction de la jeunesse aux bonnes lettres, tant d'humanité, Philosophie, que Theologie, aux classes, formes & regles, dont ils ont accoustumé vser és Colleges



qu'ils ont és autres villes de ce Royaume. Et pour cet effect de pouuoir accepter les fondations des biens meubles & immeubles qui leur seront faits , selon qu'il est plus au long porté & contenu esdites patentes. La requeste à nous présentée, par frere Daniel Fougerange Procureur du College de la societé des Iesuites de cette ville d'Amiens, à fin de verification & entherinement desdites Lettres : Le consentement du Procureur du Roy , auquel le tout a esté communiqué. **N O U S A V O N S** ordonné & ordonnons, Que lesdites Lettres patentes seront registrées au Registre aux Chartes de ce Baillage, pour jouir par les supplians de l'effect & contenu en icelles. **D O N N É** à Amiens le 20. iour d'Octobre 1608. & expedié par nous **P I E R R E P I N G R É**, Conseiller du Roy, Lieutenant general audit Baillage.

**F I N.**



# T A B L E.

<b>D</b> ecret d'adiournement personnel decerné contre les nommez Feuquiere & le Iuge, Islesuites accusez, & commission sur iceluy pour les citer, des 10. & 11. Octobre 1644.	pag. 3.
Acte d'appel interjetté par lesdits Feuquiere & le Iuge, comme de iuge incompetent, du 12. dudit mois d'Octobre.	5
Decret de prise de corps dudit iour.	6
Deux actes, l'un d'appel en adherant, & l'autre de prise à partie, des 13. & 15. du mesme mois d'Octobre.	8. & 9.
Arrest du Conseil d'Estat, donné sur requeste le 27. Octobre 1644. par lequel il a esté ordonné que sur l'appel desdits Feuquiere & le Iuge, ils se pouruoiront à Rome.	10
Bref de sa Sainteté du 23. Decembre ensuiuant, adressé à Messieurs les Euesques de Senlis, de Meaux, & de la Vaur, ou à l'un d'eux, pour iuger lesdites appellations. Commission de mondit sieur de Senlis, du 15. Feurier 1645. & exploit d'assignation du 25. dudit mois, pour proceder pardeuant luy en execution dudit Bref. 15. & suiui.	
Lettres de relief d'appel comme d'abus, de l'execution dudit Bref, du 28. Aueil audit an 1645. & exploit d'assignation donné en vertu desdites Lettres, du 27. iour de May ensuiuant.	23
Remonstrances faites au Parlement de Mr M <sup>e</sup> P.	



SEGVIER, *Aduocat general*, du vingt-sixiesme  
Ianuier 1552. portant plaintes de ce que les con-  
clusions par escrit prises par Monsieur le Procu-  
reur general & luy, sur les Lettres patentes ob-  
tenues par les Iesuites, auoient esté retirées par  
eux avec leur requeste, & portées au Roy, moyen-  
nant quoy ils auoient lettres d'iterato: Et de-  
clare qu'ils persistent en leurs conclusions, de ne  
les receuoir.

27

*Arrest de la Cour de Parlement de Paris*, du 3. Aoust  
1554. portant que les Bulles & Lettres patentes  
pour l'establissement des Iesuites, seroient commu-  
niquées à Monsieur l'Euesque de Paris, & aux  
Doyen & faculté de Theologie, & Vniuersité,  
pour sur icelles estre ouïs.

30

*Auis de Messire Eustache du Bellay*, Euesque de Pa-  
ris, de l'an 1554. avec celuy de la faculté de Theolo-  
gie de la mesme année, sur les entreprises & incon-  
ueniens qu'ils ont pressenty deuoir arriuer de l'e-  
stablissement de la société des Iesuites.

31. & suiui.

*Presentation faite au Parlement*, par M<sup>r</sup> M<sup>e</sup> Ba-  
ptiste du Mesnil, & M<sup>r</sup> M<sup>e</sup> Emond Boucherat,  
*Aduocats generaux*, des Lettres du Roy Fran-  
çois II. & de la Roine Mere, sur l'establissement  
des Iesuites: Et leurs conclusions sur icelles, con-  
tenantes la declaration faite par les Iesuites, Qu'ils  
n'entendent par leurs priuileges, regles & statuts,  
preiudicier aux Concordats, faits entre le Pape  
& le Roy, & tous droicts Episcopaux, de l'an  
1560.

42



Acte de reception & approbation de la Societé des Iesuites en France, par les Euesques assemblez à Poissy le 15. Septembre 1561. à la charge entre autres choses que l'Euesque Diocesain aura toute superintendance, iurisdiction & correction sur ladite Societé. 46

Arrest du 13. Feurier 1561. portant enregistrement dudit Acte de reception & approbation aux mesmes charges, donné à la requeste & poursuite des Iesuites. 52

Edict de reestablissement des Iesuites du mois de Septembre 1603. sous plusieurs charges & conditions: Entr'autres de n'entreprendre ne faire aucune chose, tant au spirituel qu'au temporel, au preiudice des Euesques, & de se conformer au droit commun. 54

Remonstrances du Parlement de Paris, faites au Roy sur ledit reestablissement, du 24. Ianuier 1603. & l'Arrest de verification apres lesdites remonstrances du 2. Ianuier 1604. 59

Lettres patentes de l'establissement des Iesuites au College d'Amiens, du mois de Feurier 1604. aux charges & conditions expressees, portées par l'Edict de leur reestablissement, & non autrement. 80

Acte de reception des Iesuites en la ville d'Amiens, fait en l'hostel Episcopal, le 1. Octobre 1607. contenant les offres baillées par le P. Machault, au nom de leur Societé, de se conformer audit Edict de leur reestablissement. 82

Sentence d'enregistrement desdites Lettres patentes, du 20. Octobre 1608. 85



1. La Commission de l'agriculture et de la pêche  
a été créée le 1er janvier 1963. Elle a pour  
mission de veiller à l'application des lois  
relatives à l'agriculture et à la pêche.  
Elle est composée de représentants des  
ministères concernés, des départements  
et des régions. Elle se réunit régulièrement  
pour examiner les projets de loi et de  
décret, et pour formuler des recommandations  
au Gouvernement. Elle a également le  
droit de saisir le Parlement de ses  
proposals.

2. La Commission de l'industrie et du commerce  
a été créée le 1er janvier 1963. Elle a pour  
mission de veiller à l'application des lois  
relatives à l'industrie et au commerce.  
Elle est composée de représentants des  
ministères concernés, des départements  
et des régions. Elle se réunit régulièrement  
pour examiner les projets de loi et de  
décret, et pour formuler des recommandations  
au Gouvernement. Elle a également le  
droit de saisir le Parlement de ses  
proposals.

3. La Commission de l'économie et du développement  
a été créée le 1er janvier 1963. Elle a pour  
mission de veiller à l'application des lois  
relatives à l'économie et au développement.  
Elle est composée de représentants des  
ministères concernés, des départements  
et des régions. Elle se réunit régulièrement  
pour examiner les projets de loi et de  
décret, et pour formuler des recommandations  
au Gouvernement. Elle a également le  
droit de saisir le Parlement de ses  
proposals.



